

四庫全書

史部

欽定四庫全書

史部
路史卷二十二至

詳校官庶吉士_臣張溥

編修_臣裴謙覆勘

總校官庶吉士_臣何思鈞

校對官中書_臣李奎

謄錄舉人_臣李奎

欽定四庫全書

路史卷二十

宋羅泌撰

後紀十一

疏佻紀

陶唐氏

帝堯陶唐氏姬姓

世謂堯生伊長孺家而姓伊祈妄也伊祈乃炎帝之姓堯姓姬出于唐訾

不為伊蓋皆以堯與炎帝俱火德王故謂堯為炎後自漢以來有是說世遂果以堯為炎帝子孫因云姓伊祈失之世紀云慶都寄於伊長孺家故堯從母所居為姓又云為祈氏或從母姓伊姓非其本姓亦自辨矣稽古

錄從之為祈姓誤也靈臺碑言昔者都慶兆會穹
精氏姓曰伊則伊其母姓爾然亦不得為祈云

高辛

氏之第二子也母陳豐氏曰慶都

史作陳
鋒借

嘗觀三河之

首

見春秋合誠圖注云
河東北端今荊州

赤帝顯圖奄然風雨慶都遇而

萌之

帝堯碑云其先出自塊隗翼火之精有神龍首出
于常羊慶都交之生伊堯不與凡等龍類日角眉

八彩謨自侯伯游于玄河龍龜負銜投鈴授與然後受
命按合誠圖大帝之精起三河之州中土之腴流潤大
石之中而生慶都于斗維之野身形長大有似大帝茂
食不幾年二十寄伊長孺家觀于三河之首常若神隨
赤龍負圖出慶都讀之云赤受天運其下圖人衣赤衣
光面八彩鬚鬚尺餘長七尺二寸兒上堂下足履翼星
題曰赤帝起成天下寶奄然陰雨赤龍與婚龍消而乳
堯既乳視堯如圖及堯有知慶都以圖與之此事正類

後魏序紀詰汾力微之異

黃雲覆之震十有四月而生于丹陵

見遁甲開

山圖及世紀漢鈞弋夫人生昭帝姪身十四月上

曰堯

曰昔聞唐堯十四月而生乃命所居曰堯母門

本只作姪三士為堯讓也惟士能讓即為優饒後下加乃人字象引乞之出堯母碑堯堯碑堯可見即云堯士

故有堯堯碑堯堯等說俱妄猶聖士爾魏周訴曰吾

所賢者堯舜堯舜名世以為謚者非也詳見發揮是曰

放勳

王功曰勳達于四方曰放或曰以帝德獨後人則曰放勳所放在堯以帝德終前烈則曰重華所重

豐下允

也 在堯 身侔十尺

孔叢子及世紀按合誠圖云赤帝之為人視之豐長八尺七寸

豐下允

上龍顏日角八彩三眸 合誠圖云光面八彩謂八位皆有光彩注云彩色有八者非而

日眉一作八
月豈八眉哉

鳥庭荷勝琦表射出

援神契注云堯火精鳥庭庭有鳥骨表取

朱鳥與太微庭也朱鳥戴聖荷勝似之堯碑云性發蘭石生自馥芬琦表射出雙握嘉文手有文也

握嘉

履翼竅息洞通

合藏圖云足下五翼星

聰明密微其言不式其德

不回

大戴禮

仁如天智如神明如日而晦如陰

仁以蒞之智以周之

明以察之晦以蓄之

好謀能深和而不怒憂而畏禍快而愉

莊子虛靜

恬淡寂寞無為堯之為君也

年有十三佐摯封植受封于陶

摯為高辛封植

陶今廣濟治定陶故范曄謂定陶為陶堯所居皇甫謐繆為舜陶之所今壽光有堯水伏琛晏謨皆以為堯頃

駕明人察物昭義崇仁禁詐偽正法度不廢窮民不教

亡告苦死者而哀婦人底德靡解百姓和欣于是改國

于唐

輿地廣記堯為唐侯于此
餘詳國名紀有說別見

勤勞不居儉而用禮不

貴時巧不視文繡溫飯煖羹不餽不易襦衣袷履不敝

不更御蠅裨土枕夏葛衣而冬鹿裘枯柱采椽為人愛

費

儉吉德也然世之言堯舜者多過實六韜計用云堯
王天下世謂賢君其治則宮垣室屋不墜也金銀珠

玉弗服也

錦繡文綺弗展也淫佚之樂弗聽也桶椽楹

柱非藻飾也茅茨之蓋弗櫛齊也襦衣袷履不敝不更

為溫飯煖羹不酸穢不易尸子云人君之有天下瑤臺

九累而堯白屋黼衣九種而堯大布宮中三市而堯鵠

居珍羞百種而堯糲飯菜粥騏驎青龍而堯素車璞馬

堯益不盡然也由余亦言昔堯飯于土簋飲于土型而

墨子且謂堯黍稷不式羹臠不重飯土啗啜土銅又淮南五術云大路不畫越席不緣太羹不和粱食不毀布衣拊形韓非至謂糲粱之食藜藿之羹冬日履裘夏日葛衣雖監門之養弗虧于此者故紆而非中道者悉不取

不以鵜居易九市不以私故留耕時水處者漁谷居者牧陵阪耕畬臯澤織罔是以地宜其事事宜其器械宜其材故人得以所有易所亡所工易所拙而上下達

矣

見文子淮南子所謂安天下之所當安

欽明文思內行謹飭篤孝慈仁

敬使人知子弟之道仁恩被于蒼生德化敷于四海故

亡膠漆之約于當世而道行

欽明文思駿德也欽為仁明為禮思為智文為義四

者易之元亨利貞也而聰明文思者性矣天道主聰故言明文思而以聰冠之人道主欽故言明文思而以欽冠之性圓而成德顯而用與天下治而不為貪以天下巽而不為廉允恭克讓與道合矣

年十有七

謾以侯伯恢踐帝

靈臺碑云堯以侯伯恢踐帝而許叔重謂堯以楚伯受命滅不義于丹水

楚今唐州亦見御覽一百七十一董仲舒亦云堯發于諸侯而蘇秦說趙肅侯云堯無三夫之分舜無咫尺之地以有天下禹無百人之聚以王諸侯淮南子云堯無百夫之郭舜無植錐之地禹無十人之衆作文者之常

藏

曰陶唐氏

韋昭書云陶唐皆國名猶殷商然邢昺謂未開堯居陶與湯稱異穎達亦謂書傳未

開有陶疑陶唐或共一地不知爾雅說文陶坐再成者在于濟陰永初山川記堯先居陶後居唐曰陶唐氏也都于平陽

今晉之臨汾漢平陽也即晉陽有故堯城姑射山元和志有堯帝廟在臨汾東八及南六

里世紀謂自唐封從晉陽及為天子都平陽謬也平陽

太原大夏大鹵夏虛晉晉陽七名一地寰宇記云平陽

今晉晉陽太原也然魯安邑夏歌惟彼陶唐有此冀方

衛皆有平陽非堯都矣今霍邑至平定有故晉陶

城本永安地去晉四百里皆古太原地開皇卜于并城

中古晉陽置太原縣皇朝為平晉軍九域志翼之唐陽

有堯臺九門城郡國志云信都堂陽九門城古臺二並

號堯臺城塚記堯臺二所九門城縣所造又今河中有

故唐城在絳之翼城西二里以火紀德謂赤帝詩含神

故通典謂堯舊都在蒲也

都以赤龍合昏色尚白家語大戴禮云黃收純衣彤車

生赤帝伊祈堯土王色尚黃非

白馬乃立三公六卿百揆暨百執事大傳舜攝時三公

之官也故使富而亡驕貴而不舒居于明堂斥題不枿

百官事舜

土階不戚茅茨不斲泊如也

明堂之制如此非皆居也潘尼云古之為君無欲而

至公故土階茅茨之儉墨子以為堯居土階三等堂高三尺非所以為儉者

重先務急親賢

明駿德以親九族九族既穆乃辨章于百姓百姓昭明

而協和于萬邦黎民於變時雍

此施彼應如響應者所謂立之斯立

巧施

政制因事立法不激不淒取人以狀明非見有于人翹

翹惟以天下為憂務求賢聖爰得稷契夷臯朱奭伯翳

羣龍輔德是以教化大行天下洽和民安仁而樂義乃

更制五服均五等五國相維

禹貢五百里甸服傳謂甸服免制賦其田使入穀禹

輔成其外百里者賦納總至五百里米甸服之制本自
納總禹為之差有輕遠之法周則圻田用貢法以禾米
米服則取美物以當邦賦不入穀矣又云周之納穀止
于千里唐虞所轉為二千里是方千里者四納穀比周
為多謂唐虞萬國諸侯歲一見其用費于後故鄭志答
趙商云圻內四百國郊內亦封諸侯矣周法十國入一
于天子雖千里四其稅猶少于
周故使方二千里一納米繆矣

設四岳八伯以典諸侯

帝立八伯以典諸侯立四岳以稽八伯八伯即九牧也
史以四岳為司馬氏之先故蘇氏以為一人失之舜巡
狩觀四岳又使四岳還瑞則四岳在外而非一人矣至
盛宗觀東后則東方之諸侯在焉岱在兗則兗青徐三
州所統之侯畢朝胡益之以為四岳寓于十二牧不熊
也孔氏以四岳為羲和四子星丈之官豈與岳牧雜哉
均井邑都制鄙

晉志云昔在帝堯叶和萬邦制八家為
鄰三鄰為朋三朋為里五里為邑十邑

為都十都為師州十二
師蓋本黃帝之法也

而臨民以十二

孔子云舜臨民以五

十二謂十二載一巡狩也鄭云天子以四海為家時一
巡省之五年者虞夏之制周以十二年安國謂堯舜同
道舜攝既然堯又可知義宗云唐虞五載一巡故周語
云堯臨民以五以五服一朝考之古蓋皆以五年第堯
以洪水遂為十二年爾十征蕪虞夏法者重古而言周
十二年一巡法歲一周不必專十二年或云五載巡一
岳二十年而徧四岳周則四十八年而徧故杜
佑謂堯十二載一岳四十八載乃徧益遐濶矣
春省耕

秋省斂宣聲教以同俗振彫瘵聽民聲觀四履之所以

化其上

五服服五百里為方五千里故魏許綰云堯舜
建諸侯地方五千里大司馬九畿四面萬里書

疏云禹成五服實是堯時以禹所制
故云禹制周公所定乃禹之舊制也
入其疆土地辟岐

旁趨養老尊賢俊傑在位則有慶反是則絀三載小考
正職九載大考有功五載而一述職其所典職以備則
賞不備則罰因地之生美為貢賦故民出而不憾因人

之好惡為政教故令不犯

九共云予辨下土使民
平平民以無傲是也

三歲

貢士而賓興之一適為之好德再適為之賢賢三適有
功于是始命有不正則以絀一少絀以爵再少絀地三
少而爵地畢一不適為過再為之教三為之恆其絀如
之附下而罔上者刑豫聞國政而亡益于民者斥在上

位而不能進賢者遂比年而秩官之亡文者次絀之而
代以賓見之賢者進使亡繇得其所利退使亡繇避其
所害故安其位而樂其羣德行有所是道義有所明故
士莫敢詭俗異禮以自見于國莫敢布惠緩行以修上
下之交而和親于民故臣莫敢阿君嬖上躡等踰爵漁
利蘇功而駿艾在官矣

命謂一命為命諸侯三適之賞見虞夏傳大抵上世之事可以

駭見有不可得而執者如略說所言諸侯有德者一命以車服弓矢再命虎賁三百人三命鉅鬯三命者皆受天子之樂以祀宗廟雖云德之所貴然未遽若于是命是輕三適之說亦未遽執有九錫辨見發揮

僕司徒和合五教以保于百姓棄為大田職司馬播嘉

穀辨五土之宜教民稼穡

按孟子契為司徒在舜攝後非也始堯得舜命為司徒矣

故文子淮南子皆云堯治天下舜為司徒僕為司馬禹為司空棄為大田此舜試後也按古農作田繆為田故

伏書亦謂

棄為田也

伯夷宗秩降典邦禮以治人神和上下

鄭語云伯

夷禮神以佐堯注秩宗之官周為宗伯漢太常也主司祭祀

臯繇為士庶折繁獄政

教平姦宄息

淮南子堯舉禹契后稷皋陶政教平姦宄息獄訟止而衣食足按堯命三后乃伯夷

禹稷

尊忠正之位表勤孝之間厚廉潔愛民之祿民之

敬長憐孤取舍克讓而舉事功者則命于上然後得飾

車駢馬而被文錦未命而乘衣之則罰故雖有餘財侈

物亡禮義功德謾亡用

所謂命民庶民則木車單馬衣布帛

以賢制爵以

庸制祿故人慎德興功輕利而興義

伏氏大傳

政先仁而後

殺先暱而後疏先化而後教三教不率而刑賞寓焉惟

敬五刑以成三德是故明法察令

申子堯之治天下明法察令而已聖君任

法而不任智任數而不任說

單均刑法

國語單均刑法以儀民禮作賞均非是

非汔于

威惟汔于富象刑以儀之而民亡犯

典獄非汔于威不絕威也惟汔于富

略不行也

畫衣冠異章服謂之戮故人可殺而不可辱

凡斬其人

鑿形膚曰刑畫衣冠異章服謂之戮上世用戮民不犯也見慎子

上刑赭衣不純中加

雜纁下則墨幪以居州里故民有恥而興禮

唐傳作反于禮甫刑

傳以三刑為有虞氏者非純緣也幪巾也周禮罷民亦然上刑易二十刑易一輕重之差也此以四萬二千家

為州七十二家為里與周禮異

宥過亡大刑故亡小以人而戒故禮義

興禮義興而民亡爭民亡爭而治達矣

公孫宏云堯舜之時不貴爵賞

而民勸善不重刑罰而民不犯躬率以正而民愈信故大傳子輒曰傳云堯舜之王一人不刑而天下治教誠而愛深也史記禮書乃以為堯治天下殺一人刑三人而天下治此以四罪言爾過誤也誤則赦之不以大故用意者刑之不以小然在堯時而已以其待之盡白虎義云五帝畫象者其服象五刑墨者幪中劓者赭衣黥

者墨幪宮者扉屨大辟布衣無領故法言云唐虞象刑傳言五帝畫象而民不犯盖唐虞有象刑而更設畫衣冠之法如周明結秦赭衣者或疑與刑故之事戾戾者何得察哉乃立四學以詔于國

而養更老故民興孝

禮注五帝有太學曰成均虞庠近是更五更老三老更以更事為名

蔡云當作五步非

在位七年民不作忒鵠父逃于絕域麒麟遊

于數澤則能信于人也

拾遺記

嘉言罔伏賢亡野遺猶絀

聰明開肺意舍已稽衆師于善緒許由尹中而學于務

成子附

善緒即善卷尹中尹壽也荀子等作君疇者非世紀尹壽為許由友許由諸侯堯師臣也新序

引吕子言舜亦師之而讓天下之說甚著說在炎紀下

詢政行人問老衢室務急

讜言以為教先達立建善之旌廷置敢諫之鼓博咨芻

蕘以成盛勲塗說巷議咸所不廢

管子云黃帝立明臺之議上觀于賢也堯

有衢室之問下聽于人也舜有告善之旌主不蔽也禹立建鼓備評謠也佃云取其垣四合曰合宮取其門四

達曰衢室晉張紘云堯舜立敢諫之鼓三王立誹謗之

木呂春秋言堯有敢諫之鼓尸子言堯立誹謗木文紀

注進善之旌堯立之五達之道誹謗木堯作之橋梁板

所以書政治之愆失古今注云大道交衢施之韋昭云

堯時然也後世因之今宮外橋梁頭四柱木也崔浩云

木木裂柱表四出名桓陳楚俗曰和曰和表聲之訛而

又書銘竹帛瑑戒杆梓

子墨

謂人莫蹟于山而蹟于地是

故翼翼民上如臨不測之谿戰戰栗栗罔敢暇豫允恭

以持之虛靜以待下心存天下而志加于窮民民一有

饑如已饑之民一有罪如已陷之是以篤實光輝被四

表而塞天地

淮南人間云堯戒曰戰戰慄慄日慎一日人莫蹟于山而蹟于垤賈誼書堯曰吾存

心于先古加志于窮民痛萬姓之罹罪憂衆生之不遂也先古說苑作天下翼翼金匱惴惴虛靜出家語率

天下以仁而人從之故天下以均平百姓按靜不知喜

不知怒欣欣焉樂其性故一出言而天下誦萬物齊使

之而成戶之而止惟恐言而莫予違也

管子云禁之而止猶埴已而燃

莊子云堯治天下欣欣焉樂其性是不恬也不知喜不知怒善卷語初重黎受職高陽之

代高辛氏衰

擊

三苗復九黎之事民興胥漸罔中于信

而二官以廢閏餘年統民黷齊盟上帝不蠲苗民遏絕

于是復育重黎之後使纂舊業

九黎玄都也別自一人說者以為祝融黎妄矣

其亂在少昊時此其後世班志云高辛氏衰三苗復九黎之事二官俱廢帝乃復育重黎之後此本楚語故或謂堯滅苗民呂刑注遏絕為堯也程伊川云只是舜乃命羲和絕地天通羲載上

天黎獻下地俾主陰陽羲和居卿而致日

傳云日官居卿乃命為天

地之官分命為四時之職六卿也故周禮疏序舜格祖之年堯始以羲和為六卿春夏秋冬并掌方岳是為四岳出則為伯羲和與下叔重六人也孔氏以其分命謂即下四人故顏達云有叔仲無伯季者以其不賢豈義

氏伯季不賢和氏伯季亦不賢哉故疑國語史記義司
天和乃司地而書則義和通掌天地按齊職儀云太宰
品第一堯命義和使主陰陽義伯司天則天官也故昌
言云冢宰堯官則固有義伯為天官卿矣顏達謂時義
和似尊于諸卿後世稍

立渾儀

曜鈞云唐堯即位義和
立渾儀蓋名渾爾王著

云渾天儀義和之舊器考靈曜乃命
中星觀玉儀之游注以玉為渾儀也

欽若昊天歷象日

月星辰

歷數也象占也星四方
之中星辰日月之所會

敬授人時

帝堯時事
以寅正時**命**

義仲宅岵夷敬賓出日平秩東作張昏中而播穀

書帝
命驗

岵鐵在遼西即青之岵夷近出日故敬賓出之古者君
臣尊天事如此一云春夏民欲早作故令民先日出而
作是謂寅賓出日秋冬民欲早息故令民候日入
而息是謂寅饒納日春迎其來秋送其去無不順**命義**

叔宅南交

南交故交趾郡一行云開元十二年七月戊午當食自朔方至交趾候之不差知堯亦于

此候日四方既定然後可以候日月出沒測星辰運行以起歷法

平秩南訛敬致

所謂日至

化者南方火盛物化易則歲終東北代易今書作訛以勸南偽繆矣一作為云東作南為西成朔易以人事言

火昏中種黍菽

齊職儀云義叔為司馬夏官也

命和仲宅西寅餞納日

平秩西成宵昏虛中而傳麥

西隴西漢之西縣其地周望柞谷敬送日而納之春

陽故言日秋陰故云宵周官言中春晝中秋夜同日中星不見故不指一星昏中惟一宿故不及他宿星鳥以

四象言鳥火以辰次言虛昂以經宿言之此四方之中星以分至昏見者也朱鳥七星星為中故言鳥以見其

體又為鶉鳥言火以見其次以見堯法之密昔王孝通詰傳仁均推步之法謂日短星昂以正仲冬七宿畢見

舉中宿言之仁均專守昂中說誤矣且月令昏璧旦昂
甲子元歷推合堯時冬至日在危合昏時昂星正午先
儒誤連星鳥星厯讀之故不解兩大命和叔宅北幽平
傳春言張昏中秋厯昏中道其常也

在朔易雷昏中而收斂

幽幽州易易州東始北終相代
易古有易地王肅謂四子居京

師而統之有時迷職故
疏謂在京都而遙領

修劇厲謹蓋藏畋獵斷伐上告

之天而賦之民天子南向視四星以知民之緩急急則

不賦籍不舉力役

考靈曜視四星之中大傳同舜巡三
岳一如岱禮堯命三時一如春令以

見聖人之治簡而不亂純而不雜君
人法此優游矣故二典之言常道也著推術設部首演

紀于虛之初建困敦而首大呂

易乾鑿度云堯以甲子
天元為推術注云以甲

子為節首起十月朔竹紀年云堯元辛丙子故隨袁先
云堯以丙子受命四十九年得上元第一紀甲子天正
十一月庚戌冬至至仁壽甲子凡八經上元然考堯以
戊寅即位而非丙子四十七年始得天正甲子是年冬
至日在虛一度為演紀之端在位百年禪舜舜五十年
起戊午自天正甲子至開元甲子三千一年日退三十
八度四千一百二十八分日至在斗十度下至皇朝慶
厯四年甲申積凡三千三百二十一年日退四十二度
五千五十八分是歲冬至在斗五度以歲差考之每七
十八年而差一度則堯甲子歲日至在虛一度于是中
星皆正皇甫謐即堯夫皆以堯為甲辰
即位舜以壬午堯在位七十載皆誤

堯三百又六旬

又五日而期以閏月定邪而成歲攷之諸侯而臧之祖

在天為度在厯為日合朔旦則月有小盡之法取之以
加歲外之餘此閏之所起故古人謂之首氣于節六六

日示斗建于月半之辰退閏餘于相望之後必得閏乃能收天地之餘氣使四時之不忒故無閏則時不定歲不成三年無閏則孟為仲九年無閏則以秋為冬義和知春之日以閏定之則天道之運舉積此矣百工因天運而作者必以此允釐之沈括去閏之論亦妄人也析因夷隩不失其宜以故單

民得職而不佻不病山不槎枿不麋胎故鳥獸孳尾

希革執縟咸若

正星而後正時正時而後正民事民事正乃及鳥獸草木帝治非止及民桐

挺東廂奠生下庭龜書乃來于是稽奠以正月訪桐以

定閏錄龜字而施之是曰龜厯

伏滔述帝功德銘云胡書龜厯之文蓋堯厯曰

龜厯述異記陶唐世越裳獻千歲神龜背有文紀開闢以來錄為龜厯唐事始言堯因軒轅靈龜有圖作龜書

也分積定時日得故百穀入而風雨時百工釐庶功興

帝之出也萬物作焉帝之入也萬物復焉物方作則聖人之治政事者衆績于是熙物既入則聖人之治政事者庶績于是凝熙其作如春焉凝其成如秋焉故堯于成歲言衆績熙陶于撫辰言衆績凝乃命遏

伯長火居商丘祀太辰而火紀時焉是時于心故因其

出入而望之以修其官而戒民事是為命倕為工作和

鍾利器用向列仙傳赤松子與在黃帝及堯時為木工或云即垂非命母句氏作離

磬世本樂錄云營叔所造乃無句也一作無制七絃徽

大唐之歌而民事得又心雕龍云堯有大唐之歌舜有南風之詩辭達而已琴清英云五

絃堯作二絃新論廣雅等謂二絃文武王所加命質故
妄也通禮義纂堯使母句作五絃誤七絃也

山川谿谷之音以歌八風作大章之樂

禮書質作鄭或云即夔以世紀

作夔也

擊石拊石上當玉磬乃麋路置缶而鼓之立瞽叟

拌五絃之瑟為十五絃命延拌瞽叟之所為瑟益之八

絃以為二十三絃

替機或作瞽叟紀原瞽叟作十三絃之瑟誤也董通謂秦文以機為倍云

與瞽同

制咸池之舞而為經首之詩以享上帝命之曰大

咸

樂動聲儀云黃帝樂曰咸池而大司樂以咸池祀地云又夏日至子方澤奏之堯盖用黃帝之樂大咸樂

章有經首之類莊子所謂中于經首之會者教國子舞大咸注云堯樂者也

作七廟

七廟古制虞禋

六宗尹言七世之廟禮酬六尸一尸發爵六尸旅之非
自後世虞嘉云七廟不始于周建隆元年張昭議堯舜
禹皆立五廟二昭二穆與始祖商改立六廟昭穆外增
契與湯周七廟親廟外加太祖此先儒牽于禮緯元苞
非孔子意立五府以享先祖而祀五帝杜佑云唐虞祀五帝
于五府羊宏云黃帝
合宮堯五府皆明堂也書帝命驗云帝者承天立五府
以尊天象蒼曰靈府赤曰文祖黃曰神計白曰顯紀黑
曰玄矩注唐虞之祭以其氣迎牲殺于廷毛血詔于室
天府夏世室同矣

以降土神然後樂作所以交神明也乃設五吏立祈祥

五吏五官齊桓公欲藉宮室六畜管仲不可謂立五厲
之祭曰昔堯之五吏五官無所食請立之以祭堯之五
吏春獻蘭秋歛斂落則澤魚百倍異日無屋粟邦布
籍此謂祈祥推之以禮義也或以為五行之官非守歲

之盈虛乘民之緩急正其甲令而御其大權燒山林焚

沛澤以通刀布

堯布文作上十金也又劣于大止又一品小者弓朱蓋古文泉久在水水詳董

譚元澄云周外府掌邦布之出入藏曰泉流曰布則錢之興也始于六品欲令代匠均同圓流無極布幣泉貨

也乃為金三等禹氏邊山之玉赤野末光之珠上幣汝

漢右滂之金以為中幣泉貨以成下幣勝禽獸之仇大

夫隨之鞅財高下以衡民之好惡焉

楚世家注三錢府虞夏商周錢幣三

等赤白黃為上錢為正故平準書云虞夏之幣金為三品黃白赤非惟虞夏管子云堯舜之王所以化海內者北因禹氏之玉南貴江漢之珠其勝禽獸之仇以大夫隨之桓公曰何謂對曰令諸侯之子將委質者以雙虎

之皮卿大夫豹飾列大夫豹蟾則將散其邑粟財物以求之故山林之人刺其獸若從親戚之仇君冕服于朝而猛獸勝于外大夫散其財物萬人得受其流矣此堯舜之數也而又為之儲侍以備

其歉故沈菑九刈雨雹彌旬而下亡菜色

兔園策注堯湯之時三年

耕餘一年之食謂之升平九年耕餘三年之食謂之登平二十年耕餘七年之食謂之太平徐光對石勒云堯時暴風雨雹九日楊震曰堯遭洪水而民無菜色西夏廢志惠而非兵墮城守

棄武德好貪以求于民于是伐而亡之有唐不享于是

偏以廟之喪之丹浦

西夏事見神武秘略及呂春秋呂氏又云堯有丹水之戰丹水在今

商洛其地近唐故鵬冠子云堯伐有唐今南陽之唐鄉也六韜乃謂堯伐有扈戰于丹浦世紀則謂堯伐有苗

于丹水之浦非惟地理遼濶而伐苗乃舜伐扈乃啓皆非堯文字之誤如此

在位六十二載

沈蒙洛水演天方害龍門未闢呂梁未發后土冒沒而

填星逆于水府

詳後魏書張淵傳

帝乃憂中國之不安詔曰洛

水滔天下民其咨孰能使變將任焉四岳稱髡帝知髡

之圯族方命而民患弗可殫

方命則不知敬君圯族則不知愛親猶不妨于水事

又自中國至條方莫薦于是試髡俾司空欽哉

程晏云云汲害

也試髡以其僉同所謂稽于衆

九載功用不成而止

九載三考績

嗟乎予于

用髡見堯之仁汲焉當是時禹年穉而在廷之可就水

者莫縣若也及縣聖水而後帝知厯厯運之遭七年衰

志閔復覲嗣子之嚚訟于是癸遁之願軫焉

克治斯云年歲水旱

非政所致堯洪水湯大旱皆以為有遭遇按太乙厯數有所謂大水浩浩周世宗使使實嚴論水沴云陰陽水火之本陰之主始于淵獻水之行犯于九六凡千七百二十八歲為浩浩之會乃當此之時陶唐之君不能弭其患至于后辟狂妄以自率權臣詐冒以下專政不明賢不章苦雨數至潦水厚積若德宗壬申之水是政也昔魏主疑任縣九年為失序庾竣云聖主不容無失竊詳書傳皆言堯水九年此讀書之誤使九年則縣當之矣又何俟禹之八年且其命縣時已非一年矣禹之用亦非按縣年蓋是數十年事

洊之窳窳

鑿齒九嬰十日大風封豕長蛇之害民罔攸止

按經融天之山

有人曰鑿齒羿然之又義和君之子曰十日而傳以吳
為封豕長蛇北伯封之子亦號封豕蓋大風九嬰等皆
當時兇頑貪婪者之號如檣杭饕餮之類應劭以饕餮
類貙食人服虔以鑿齒長五尺似鑿食人大風風伯九
嬰以火之怪妄以為真蛇
豕怪獸大風十日者妄

于是澤兵稱旅屠長它于洞

庭射十日繳大風于青丘殺竄厥禽封豕于桑林乃誅

鑿齒于疇華之野戮九嬰于凶水之上而後萬民復生

四方同塵夷夏廣陬險易遠近始復道里

長它即所謂巴蛇在江岳

間其墓今巴陵之巴丘在州治側江源記云羿屠巴蛇于洞庭其骨若陵曰巴陵也青丘記為東方澤疇華南方澤凶水在北狄或曰臨濮西三十五清丘也淮南子以為堯皆命羿除之故許氏云羿臣堯河伯溺殺人羿

射其左目風伯壞人室屋羿中其膝又誅九嬰窳窳之屬非有窮君也歸藏楚辭言羿彈十日非天之日矣

于是為世載七十矣天下猶未平洛水橫流草木暢茂
獸蹄鳥跡之道交於中國堯實憂之乃疇咨能若時之
賢以屬天下之統方是帝畿巨浸稽天而冀人虞舜身

修家正所在數有美祥

四明山記云堯時有老人持圖曰予姓伊名獻諸山洪水遇舜

則正矣亦數也真源云年大饑惟舜所熟

帝知其聖然猶忌其私也爰巽四

岳岳辭其德弗辱則又俾之顯揚幽側而岳且知帝之
在舜以舜錫薦于是舉之童土之地而歷試之命為司

徒二女女焉觀厥刑于二女官材任士一耳目之而不

疑舜修畎畝之中而聞之堯此舜之難堯游巖廊之上而知畎畝此堯之難也是必舜之聖德章如日月故能以一野人而達之人主帝曰師錫則衆舉知之帝曰子聞則堯之知之審矣然則豈徒遜哉方其薦岳俾揚側陋盖可知矣夫咨若時而放齊舉朱知若時為是位咨子采而驩舉共工亮采百揆職也欲帝不用之二事齊以常情信堯父子世及古今通義其遜四岳也亦將使自推之猶漢文時請建太子帝曰楚王梁王淮南王皆舉德以陪朕之不能有司請曰子啟最長寬厚請建為太子也帝于時授位之意決矣事之畎畝之中未為司徒也帝曰欽哉然後為司徒故孟子曰國人皆曰賢然後用之大傳謂堯為天子朱為太子舜為左右堯知朱之不肖必將壞其宗廟滅其社稷而天下同賊之故推尊舜屬諸侯焉致天下于大麓之野夫堯之治天下

豈惟朱之憂二女事之豈復使之佐其子乎世無知堯此固難其言也

薦之天暴之民

天子

不敢以天下予人

三載稽厥行事亡不時叙于是游于康衢聞

童之謠曰天生蒸民莫匪爾極不識不知順帝之則乃

還宮召舜而乃命以位正月上日授終于天府而遂老

焉

天府即五府書帝命駿云帝者承天立五府以尊天注云天府五帝集居太微降精以生聖人故帝者承

天立五帝之府是為天府

于是修壇河洛擇良議沈仲月辛日昃明

禮備榮光出河休氣四塞越歲仲春率百工沈璧于洛

且告禮事

握河紀云堯即政十七年仲月甲日至于稷沈璧于河青雲起回風搖落龍馬銜甲赤文

綠字自河而出臨壇吐甲同遶云云又沈璧于洛赤光啓有靈龜負書出背甲赤文成字止壇世紀堯與羣臣沈璧于河乃為握河紀禮聖姑射拜師沮洳姑射山在今中候也詳說見餘論

北平陽界曰平山是為壺口山冀州圖經云西入文成郡以山為界有故堯城及堯祠述征記堯巡登此山

陞首山道河渚遇五老而濟焉

論語撰考云堯修壇河洛擇良議沈率舜等升

首山道河渚有五老游焉相謂河圖將來告帝以期云云亦詳野王符瑞圖說在餘論

乃賞侯伯

封侯棄

世紀始封稷契
車陶褒進伯禹

又東沈書曰夏受圖以歸

即日稷鄭

讀為側故宋均云稷側也世紀告禪後二年刻璧為書沈洛今中候論衡篇也所授之圖書今握河紀也考靈曜云五百歲聖紀符四千五百六十精反初握命乙起河出圖聖受思鄭云聖謂堯也天握命人當起者河乃

出圖堯受而思之以歷數也

始舜之攝俾益掌火禹平水土禹疏九

河淪濟澤決江漢排淮泗而注之海益審封植烈山澤禽獸逃匿然後人得平土而居而食未足禮莫起于是富而教之俾棄為田教之稼穡五穀熟而人民育然後併僂司徒教以人倫于日昃之徠之匡直之輔翼之又從而振德之彊于行善于志以養天下之形是以庶政惟和萬國咸寧民皆廸吉莫不振動服化比屋可封而濟仁壽

揚終傳云比屋可封者堯舜為之隄防也大抵堯之治有上中下三自命義和而日月星辰得

其序為上治自若時登庸而公卿大夫得其職為中自洪水方割而山川丘陵順其理為下聖人之能事畢矣

乃涉流沙封獨山訓大夏討巨窰西暨沃民東隸黑齒

貫幽離耳天督該首莫不有仁義之心軒常之志

獨山在豎

無間東北九十巨窰今朔渠搜縣鄭以二十有八載沐

為二國誤不言南北已見命義和中

然寫其天下之尊爰與方廻游于陽城乃徂落

魂氣徂體魄落

落降徂往堯于是死形百姓如喪考妣三載四海遏密

八音親如父母信哉

我忘天下易天下忘我難如甚也四海親如父母三載遏密八音蓋

不能使之忘我也衝波傳云宰我謂三年之喪日月既周星辰既更衣裳既造百鳥既變萬物既易黍稷既生

朽者既枯于壽可矣顏淵曰人知其一莫知其他俱知
暴虎不知馮河鹿生三年其甫乃墮子生三年而離父
母之懷子雖辨豈能破堯舜之法改禹湯之典更聖人
之大政三年之喪哉父母者天地也天崩地壞為之三
年不亦宜乎是三年之喪堯舜之制也此言堯崩四海
思慕堯德且明舜雖受終天下服喪三年如繼世之禮
非率天下諸侯以為三年喪也

葬濟陰成陽西北四十里是為穀林通

樹之

墨子曰古者聖人制為葬埋之法曰桐棺三寸足
以朽體衣衾三領滿抗無封已葬牛馬乘之舜西教八
邛之山衣衾三領滿抗無封已葬牛馬乘之舜西教八
戎道死南紀之市既葬市人乘之禹東教于越葬會稽
之山桐棺三寸皆下不及泉上不通臭三王豈財用不
足哉為葬埋之法也云死邛山安矣墨意蓋謂堯舜皆
以勤民死不于家爾劉向云葬濟陰丘隴山續征記小
成陽南九里通典曹州界有堯家堯所居王充以為堯

葬冀州或云葬崇山安之甚

宛心約志以從事于亡為隱不肖舍已

從人處撫宮徽神暢不施智力而萬國平

古今樂錄云堯郊天地祭

神示在坐響誨堯曰洪水方至為害而子救之堯乃作歌故琴譜堯有神人暢大周樂正之序自堯神人暢九十三弄為上名琴道云堯暢者達則兼善天下無不通暢之謂居衢室隱精神篤恭而

王天下不廢困窮不教亡告是以離畔者少聽從者衆

鄰國相望珣犬相聞而止迹不接諸侯之竟車軌不結

千里之外蒼髻巷歌黃髮擊壤帝何力之知哉

論語比考云叔

孫武叔毀仲尼如堯民云堯何力功者事見列子王充云堯時天下太和百姓無事有壤父五十餘人擊壤于康

衡有觀者曰大矣堯之德也壤父作曰吾日出而作日入而息鑿井而飲耕田而食堯何力之有世紀及列士傳云八九十老人擊壤歌于康衢文子曰堯治天下舜為司徒棄為司馬禹司空稷田疇奚仲為工師是以離畔者少聽從者衆猶風之過蕭忽焉感之各以其清濁應莧經云壤以木為之前廣後狹此後世依倣而托之者風俗通云形如履長三四寸下

僮以為戲俱妄要是敲擊土壤爾

始帝在唐夢御龍以

登雲天而有天下見夢書世紀等昔齊高帝年十七夢乘青龍上天西行逐日每懷憂懼及

出鎮淮陰淮南守孫奉伯嘗同卧夢帝乘龍上天已于下捉龍脚不得而死故夢書為不誣

及資有

天下制在一人

管子

以德化為冠冕以稷僕為筋力都俞

吁咈于一堂之上是以德政清平風教大洽化格上下

而信孚于升潛慶雲鮮苔五緯順軌景星炳曜甘露被

野神禾滋畝朱草茁牧澧泉洑岫倚翼生厨蒲薤茁鳳

巢閣榮光幕河河馬輦錄一日而十瑞至

見世紀典術云聖王仁功

濟天下者堯也天降精于庭為薤感百陰而為昌蒲故
吳氏本草昌蒲名曰堯薤倚翼薤蒲也冬死夏生俗作
薤脯謂肉物者妄說在餘論書中候云堯即政七十載
德政清平比隆伏羲鳳凰巢于何閣驪林景星出翼軫
朱草生郊嘉禾滋連甘露潤液醴泉出山修瓊河洛榮
光出河休氣四塞迷異記王義興表云堯生神禾晉有
蠡粟詩含神霧云堯時嘉禾七莖三十五穗古之聖王
不貴祥瑞理人事而瑞應之因并著以見至治之馨香
者上黨有慶雲山上黨
記云堯將興慶雲出之

矢心與治立于靈扉雲生牖坐

于華殿松生棟萬物皆備于我而亡黃屋之心舉天下
以為社稷非有利也故垂襮幅委輕裘而天下治僥民
獻其沒羽封人祝之壽富翕然各以其所重報是以比

隆伏羲後世莫及

先聖本紀云許繇欲觀帝意謂堯曰帝坐華堂之上而雙闕之下君榮願

已得矣堯曰余立雲扉之內霏然而雲生備坐于華堂之上森然而松生棟雖而雙闕無異崔嵬之冠蓬萊雖背郭無異回巒之縈崑崙孔子曰人之所貴為天子者為
帝予安知其所以安榮

其窮耳目之欲適五體之宜也采椽葛衣藜羹土機人
之所棄而堯安之勤勞求賢以協治舉天下授之舜如

舍儼然大哉堯之為君也惟天為大惟堯則之蕩蕩乎

民亡能名焉巍乎其有成功煥乎其有文章而疇人云

堯以義終舜以事沒稽諸典祀貽世永教游夏之徒豈

誣也哉

見韓子淮南子等劉子政曰古有行大公者帝堯也貴為天子富有天下得舜而傳之不私其

子去天下若遺躍于天下猶然況細于天下者乎

帝初取富宜氏曰皇生朱

皇即

女皇世本帝系漢書等云女皇生丹朱帝繫人表作散宜氏繆克三妃一后或云即中山夫人靈澤縣西五十

步有中山夫人祠云堯之四妃張謂舜廟碑謂堯舜皆娶一姓也朱即嗣子朱說文引虞書作丹絳御覽世紀

女瑩生丹朱非也安國以嗣子朱別一人妄

驚佞媚克兄弟為閹器訟嫚游

而朋淫

朱子兄弟有閔故鄒陽傳云骨肉為讐者朱象管蔡是也

帝悲之為制奕棋

以閑其情

博物志堯造圍棋以教丹朱故中興書陶侃云圍棋堯以教愚子虞愿亦云朱明言堯帝

以此教丹朱非人主所宜好

使出就丹

御覽尚書逸篇云丹朱不肖舜使居丹淵為諸侯號曰丹

朱乃堯居之丹見漢歷志竹書云放帝丹朱于丹水今朱虛縣有丹山東丹西丹二水水近有長坂遠峻謂之

破車坡記為丹朱弄奕之所今青之益都有堯山三齊記堯廵所登伏琛云山南有二水名東西丹然鄧之內

鄉亦有丹水漢丹水縣荊州記為丹川堯子所封即丹浦堯敗有唐之處蓋非朱國

之于房為房侯

韻云舜封丹朱為房邑侯今荆河之界房同作防昭王后家

以奉其

祀服其服禮樂如之謂之虞賓天子弗臣夏后封之唐

如虞之禮朱卒葬第陽

相之安陽永和鎮南有故堯城開皇四堯城縣以為堯居乃朱

居也相圖經引孟子注舜封丹朱于白水白水乃今清河蓋夏封之在鎮西南三里有丹朱陵南八里有帝子夜游臺周二百步相臺志云丹朱嫫游之地第鄉同第陽鄉在內黃北二十第陽聚元和志丹朱墓唐山縣東一里寰宇冢在永定東二里有唐縣有鴟郎城九州要記云堯時丹朱所居相之冢為是矣而經注城陽有丹朱塚海內南經蒼梧之山帝丹朱葬于陰無信 朱生陵以父封為丹氏房氏防

氏陵三十五世鍾昭王世采靈壽生沈

姓書陵四十八代孫雅莽時為

清河守又云沈十二代孫雅俱繆也

又有屋引氏

晉初房乾留虜改為屋引後隨魏南遷復之而

河南猶有此氏又沛相朱自云丹朱後故姓錄以沛郡朱為丹朱後非

朱之兄考監明先

死而不得立庶弟九

莊子云堯不慈故云殺長子殆先死爾而近尹子其四讎論乃有堯

囚十子天下不論之無義之說淮南子云堯得舜任以百官屬以九子孟軻亦有九子之說然說苑堯時舜為司徒契司馬禹司空稷為田疇夔樂正倕工師伯夷秩宗皋陶大理益啟禽獸九子為臣堯知九職之事使九子者各受其事以成九功則非堯之子矣蓋自二事云

其封于留者為留氏

留與劉同

張良之封字只作留故說文止有錨而無劉漢因讖始為卯金刀之說妄也劉康公亦作封錨周初匡俗事老子劉越劉亦非至秦方有文子華子有留務茲日有傳有留長孺功臣表有留盼吳有留贊與漢同出宋武以竟陵誕反貶其族為留氏不知乃其本姓也

後有劉累以豢龍事夏杼甲賜

之氏曰御龍以更颺董之後既遷于魯

事具左傳襄二十四年宣子之

言及昭公二十九年蔡墨之言云使蔡龍以史豸韋之後豸也蔡龍乃已姓廖叔之後豸韋之族爾宣子云在商為豸

商居大夏為唐氏御氏擾氏擾龍氏

周書王會解云堂下

之右唐公虞公左則夏公殷公是也

至周封帝後于鑄鑄祝是分侯于隨

為鑄氏祝氏隨氏

周有鑄仁達臧宣叔娶于鑄者禮傳皆作祝聲同轉呂春秋云封後于黎

丘其處也祝睦二碑云出高辛祝融非

既更累之裔于方城為唐公

傳謂成王

以舊唐封叔虞而更之非

楚併唐其徙杜者為杜氏唐杜氏屠氏唐

孫氏李氏

杜伯友為卿士宣王四十三年誅之杜蒯記作屠晉唐賜杜伏威為李氏達云武王並封

堯後為唐杜二國非滅唐封杜又炫云唐非豸韋後杜亦未必是安知滅唐遷杜司馬貞謂唐杜陸終後亦非

杜更為祈

晉文妃杜祈是故世紀謂免姓祈也

杜伯之息隰叔如晉生為

字子與

為李以正于朝朝亡間官故氏為士氏

李理同土官也晁說

之書說謂雲土為古杜字如詩言桑土因有土氏而以陶唐氏豕韋氏御龍氏為土氏之宅後為唐杜氏遂以為穀會弓契鞅吉射富魴皆為士氏矣及官司空以正

為士員士弱士文伯景伯為士氏異哉

及官司空以正

于國國亡敗績故氏為司空以正于國國亡敗績故氏

為司空是生士穀為穀氏穀生會會采隨故氏為隨是

佐文襄諸侯亡惡謬傳成景軍亡敗政中軍太傅端法

集典國亡姦民是以受范故氏為范逮文子燮能穆宗

侯爰受栒櫟故氏栒櫟

作邨非

士魴受甌故氏為甌臯夷

采函與故氏函與而魴氏陽氏士丐氏士季氏士吉氏

士為氏士思氏司功氏祈成氏士弱氏胥氏張氏陶氏

朱氏陶朱氏鴟夷氏

范睢蒙難變稱張祿入秦為丞相應侯范蠡功成去為鴟夷子號陶

朱以范仲淹隨母嫁朱復姓啓及之姓纂又有士弱氏姓源韻有士丐氏亦作士貞按此左氏文當時語未必有也風俗通晉大夫有司功景子世本云句弟他晉司功為氏又風俗通范蠡之齊為鴟夷子後人以為氏潛夫以為鴟夷出于子姓其犇秦而復也秦歸其帑其處宋微子後恐目夷之誤

者生明為劉氏明生遠遠生陽十世孫獲于魏為大夫

生清始居沛生仁是為豐公生熅是為漢太公

宇執嘉士安云

名四子伯仲邦交

世紀昭靈后名含始游于洛池有玉難銜赤珠刻曰吞此者王含始吞之

生高祖握誠圖詩含神霧云執嘉妻含始生劉季索隱乃云毋湯氏貞時餘泗水碑

天德光堯則

項授沛邦實著符是為漢祖炎祚復輝載祀四百

以其留秦

故為留氏而左氏謂其處者為劉氏夫伍員屬其子于齊使為王孫氏知已必死預令改族故傳為發之士會之帑在秦不顯于會之身復無所避而傳言之故達炫之徒深疑此文非傳本旨蓋漢初左氏不顯先儒無以自申劉氏從秦徙魏原出劉壘挿注此辭以媚于世明帝時賈逵上疏謂五經無証圖讖明劉氏為堯後者左氏獨有明文前世籍此有漢氏厥氏兀氏紅氏橫氏吳求通故引之為証兩

氏宗正氏中壘氏谷蠡氏獨孤氏公族氏陳氏徐氏

吳氏

芮後望濮陽長沙漢沛獻孫進伯因孤山下生尸利單
于以為谷蠡王號獨孤部七世羅辰從魏徙洛為獨孤
氏後漢谷蠡王獻為谷蠡氏漢賜衡山王為厭賜安樂
王為元而廣陵陳乃後漢魯相無子以外孫劉嶠嗣曰
陳嶠又蜀齊王徐畊乃杜棕之遺孽○何氏姓苑東莞有漢氏劉備立蜀再世而魏滅

之裕起南朝者八世有員氏留氏

宋書劉凝之幕伍員忠烈為員氏唐書云

半千七世祖改按半千家狀云宋營陵侯遵考子凝之
事魏太武以忠比伍員改江休復雜志堯山民得半千
銘云十八代相賜然員古有平聲出嗟乎物固未有張
于鄢前涼錄有員敞員平自音運

而不弛成而不毀者也惟聖人能盛而不衰帝之傳天

下非為讓也為有法度而朱弗能統也漢承堯祚著矣

而杜林等何知哉

火德相承東觀記杜林云漢德基業持起不因乎堯堯遠乎漢人不曉信

終不說諭而揚光輔對仁宗云堯舜之事遠矣亦未易行是何鄙陋不敬如是

先是房之後有

狸氏裔子太繇夏后氏封之傳為傅氏

見傳子狸氏事出國語甚顯姓

書云出季狸大妄唐表云繇黃帝後韋昭云狸氏在周為傅亦非

說築于巖商宗得之

陞為太公又有傳餘氏餘氏

晉傳餘頰著復姓錄云出傅氏史謂得之傅巖名為

傅氏非也傳餘猶梁餘韓餘也姓書猶有說氏妄

其分于冀者為冀氏

春秋時冀子

帝之後又有蕃氏御氏陶丘氏周生氏堯氏

姓纂丹朱居陶丘為


氏煇皇寶錄云魏侍中周生烈本姓唐外養周氏因為
姓亦見七錄及中經簿姓書又有堯氏云出帝堯雖未
足考然隨有鷹揚將軍堯泰矣。又周賜唐環為紐
于氏劉志為宇文氏劉亮為侯莫陳氏至隋皆復慶

都葬雷澤

贊曰

聰明文思蕩蕩巍巍惟天為大惟堯則之不激不委因
事立法昭義崇仁內穆外協詢政行人問老衢室茅茨
土階允恭勿失萬物備我生化咸宜誦言行道比隆伏
義

巡狩圖



子曰大哉堯之為君也惟天為大惟堯則之蕩蕩乎
民無能名焉嗟乎堯之治天下豈有奇謀秘計而日
與之為鬪哉生者自生死者自死而已矣天下大器
為者敗之生者不得生死者不得不死堯何心于
間哉隱精神居衢室固已雲行雨施而見品物之流
形矣立于櫺扉而雲生牖坐于華殿而松生棟何容
心哉吾知都兪吁咈一堂之上而已矣日往則月來
月往則日來天何言哉四時行焉百物生焉此天之

所以為天也委輕裘垂褕幅堯何為哉月白風清萬
籟空而七絃定此堯之所以為堯也陽光之熙羣目
之隨浹沐之聚羣心之豫豈有心于為哉林馬生總
馬羣一日而風之二日而霖之三之日蕩然矣天地
不異化萬物無異性無撓則寧無拂則全此同然之
情也聖人者操造化之權以鼓舞動蕩而作成之爾
三年成一葉則物之有葉者固鮮而一日握其苗則
物之成性者亦罕矣道之以政齊之以刑而天下始

慘然矣風之過蕭笏焉感之各以清濁應離畔者少
服從者衆堯豈家至而日見之哉蒼髯巷歌黃髮擊
壤果何力之有邪天生烝民莫匪爾極不識不知順
帝之則堯之所以為大固有不俟孔子而後知者然
而猶曰修己以安百姓博施濟衆堯舜其猶病諸是
何邪蓋凶旱水洸天有所不能全寒饑疾痛天有所
不能蔑洪水十日此九六之大會也而堯于此能通
其變而不抵于窮七十在位弇茲日薄而若時之庸

猶未適也。洛若予采而獲象恭之夫，洛又滔天而得
圮族之子，帝之心果如何邪？九載之績弗成而密藏
之意已迎鏡壇宇間矣。能庸命朕位巽，吾亦何意于
天則哉？昕而作夕而瞑，安時處順亦適然而已矣。

庸君

事采臣事二典言庸者三言采者三如登庸如奮庸
庸命皆君事也。如亮采如予采載采采皆臣事也。前
此無能知者，若時者指言能順天時，即言農功曰庸
非所譬矣。大抵帝堯之政不過天地人之三事，歷象
日月者天事，親族叶邦者人事，而東作西成者地事
也。今欲若時為天事而不得其人，欲若采為人事而
不得其人，欲又水為地事而又不得其人，則亦無可
幾者。天下之事亦如此而已矣。堯以是知天之歷數

有不屬乎我而有在夫人者故一舉而遜之夫以三者之咨其文皆舉而無結至于治水又以無功則此篇特為遜位一
事張本明矣 且昔聞之堯之治天下七十載不知

天下之治與不治億兆之願已與不願已也顧問左右問在朝問外朝俱不知也乃微服于康衢聞立我之謠喜而問焉曰誰教爾此言者則皆曰聞之大夫問大夫曰古詩也于是還宮召舜甥而禪之舜不辭而受焉舜之紹堯惟不異于堯也承安引佚萬物皆作履中行善日月照而四時行庸非天邪故子晉曰

如舜者天舜居其所以利天下奉翼遠人咸得其人
此之謂天易曰乾元用九乃見天則此堯之所以同
天也首出庶物萬國咸寧此舜之所以亦天也彼之
引竹書援地記而上疑夫兩聖者亦欺詬唾射之徒
爾雷動風行鳥歸獸息而驢鳴狗獐方此大作曾何
傷于在上哉祇見其弗知量爾

路史卷二十

欽定四庫全書

路史卷二十一

宋羅泌撰

後紀十二

䟽仡紀

有虞氏

帝舜

按舜本作舜古作舜從夾從外汗簡墨集韻舜墨奎訛

有虞氏姚姓

見世本因生賜

姓堯世風俗通按書舜生姚虛云在濟陰成陽非

其先國于虞始為虞氏

天子建德

因生以賜姓祚之土而命之氏祚土謂封之虞命為虞氏因生謂生姚虛因賜姓姚此氏姓之別故世本皆上

言姓下言氏虞氏亦見左傳正義書云有鰥在下曰虞舜虞舜側微則帝徵時止姓虞而名舜可知王符志氏姓云舜姓虞而史伯亦稱虞幕則其上世為虞矣杜預云虞乃舜之先世數未聞瞽子兩目不見史云盲者子是也二孔以為有目但不分善惡者

五帝之中獨不出于黃帝自敬

康而下其祖也

有辨見發揮

敬康生于窮係

史記曰窮蟬宋衷以係為謚非

係出虞幕後之幕姓宗焉

風俗通姓譜等幕姓皆云出幕

是生喬牛喬

牛生瞽叟瞽叟天曹

史云窮蟬以來微在匹庶謂庶士非庶民也曰嬪于虞虞乃小國即

瞽所封是侯伯矣然王逸以舜為布衣而耕漁陶販皆庶人之事者蓋以父母頑嚚去而耕野若伯奇重耳云

幕能平聽協風以成樂而生物有虞氏報焉

報祭之孔是云幕能

修道功不及祖德不及宗故每于歲之大蒸而報祭之
左氏言舜祭幕而風俗通亦謂舜祖幕與呂梁碑合皆
無句望而以幕為祖賈逵韋昭乃以幕為虞思蓋因世
本等序舜為高陽五世孫而所謂幕者無地以置之遂
以為之後世爾按內傳國語俱云自幕至于瞽叟
無違命然後言舜重之以明德豈得云舜後哉

舜長

九尺

孔叢子云舜長八尺有奇而頤無
毛亦聖也世紀云六尺一寸非

太上員首

春秋
繁露

云舜形體太上而員首
長于天文純于孝慈

龍顏

世紀

日衡

古謂眉衡故執天
子之器上衡日衡

者眉骨圓起也洛書靈準聽云有人方面日衡重華握
石椎懷神珠注謂衡有骨表如日懷珠喻有明信椎讀

如錘言能
平輕重

方庭甚口

孝經援神契云舜
手握褒龍顏大口

面頤亡髦懷珠

握褒

尚書帝命驗云虞舜聖在側陋光曜顯都握石椎
懷神珠注謂懷珠以諭聖性援神契注握褒者手

兆如褒字喻從勞苦受褒飾致大祥也洛書注握謂知旋璣之道

形卷婁色驚露

莊子云卷

婁者舜也注謂背項偃凹向前也文子云克瘦癯舜藏墨尸子克瘦舜墨言憂世念民至于此而鄧析子言克舜至聖身如脯腊克若腊舜若腊故王充言上帝引俛此謂舜也承安繼逸無為而治何為若腊哉目童

重曜故曰舜而原曰重華

世紀云因瞳子名重華真源云字仲華按荀子克舜參眸

子是克亦重瞳然但一目重書大傳言舜四童子則兩目重矣故春秋演孔圖云舜目四童謂之重明承乾踵克海內富昌元命苞云舜重童子是謂重原上應攝提下應三元尸子淮南子云舜兩童子是謂重明作事成法山言成章夫舜苗也蔓地連華之名有睽曜意故目好動而曰舜或作瞬書注云舜名也儀禮正義以為名號之名非也辨見發揮

濬哲文明溫恭通智敏敦好學而止至善

寅畏天命而尤長于天文

大戴禮云寬裕溫良敏敦知時而好學又云畏天愛民恤

遠親近戚明通智為天下主

初家于冀夙喪其母

世紀云母握登詩含神霧云握登見

大虹意感而生舜于姚墟按書帝命驗云姚氏縱華感樞注縱生也舜母握登感樞星生舜重華樞如虹也河圖注命云握登見大虹意生黃帝謂舜

蒙茨緼棘哀綿五至猶未歎者喪

期之有數盖有是顯

三年問曰三年之喪天下之達喪也百王之所同古今之所一未有

知其所由來者故傳以為三年之喪雖貴遂服禮也而許氏注淮南子乃以為三月之服夏后之禮妄矣松冉斬衰投和截髮生韋百濟流思嚚三年通典以喪期無數為黃帝時三年遏密為堯崩後斯得據矣

瞽叟

御而生象

或云象隨母嫁者妄

象得親乃咸惡舜御以不道舜于

是往于田泣旻天號父母負罪隱隱大杖避小杖受

子云

舜于瞽瞍索而使之未嘗不在側索而殺之未嘗可得人窮則反本疾痛則呼天韓非以往田號泣為未盡命

誣矣事親拊弟日以篤

王充實知云虞舜大聖隱藏骨肉之過而尸子云事親養兄為天下

法是則更有兄也

象憂亦憂象喜亦喜惟恐不獲于象以貽父

母戚道而不徑舟而不游凡所以動心忍性皆以增其

所不能夫然故死生不入于心而能動人

琴操舜耕歷山思慕父母

見鳩與母俱飛相哺益以感恩因而作歌夫虞帝之迹琴中尤多學者不省虞帝蓋不幸而以孝名後世而說者率過實自萬章倡井廩之說而語益紛紛有論見發揮與木石俱而光曜顯都麗

然汗著年二十而以孝友聞四海故天下大說而將歸

焉方是時口不設言手不指麾執玄德而化馳若神

莊子

曰以此處上帝王天子之德也以此處下玄聖素王之道也堯以帝王天子之德處上故曰駿德舜以玄聖素王之道處下故曰玄德老子曰玄德深矣蓋堯以成德為行乾之九五是也舜則隱而未見乾之初九是也

歷陽之耕侵畔乃往耕焉田父推畔爭以督亢授

舜耕歷山

在河東乃首陽山九域志云歷山有三濟南濮陽河中今秦地池陽澧陽潘城始寧等處皆有之有說見餘論

獲澤之漁爭坻乃往漁焉敵人巽長爭以深潭與

淮南子云

釣于河濱獲澤在今澤之陽城唐獲澤縣應邵云澤在縣西北沁水東逕獲縣故城南漢之澤氏縣魏土地記

陽河有沁與獲澤水合者紀在梁惠王十九年晉取玄武獲澤墨子亦言舜漁在此故金鑰謂澤州為舜澤十道記云澤州以獲澤得名皆在河東或云漁于雷澤雷澤濟陰非也

東夷之陶苦窳

當讀如阜

陶之陶故綿詩注云鑿池穴居如陶然

陶于河濱期年而器以利

見朝子淮南子

河濱在蒲陶城北有故陶城南去歷山甚近故孟津有陶河之稱一云河濱在濟之郛城蓋以東夷之說也夫帝冀人而虞濱歷山陶城皆在冀蓋初耕于野未必遠去父母也然壽丘在濟負夏在衛則商販觀風或往來于此不必限一所

牧羊潢陽而獲玉歷于河巖所至嚮合

公孫尼子

云舜牧羊于潢陽堯舉之以為天子公孫弘云牧羊于黃河于實云舜耕歷山獲玉歷于河際之巖知天命之在已體道不倦

當其田也旱則為耕者鑿墮儉則為畋者表虎

與四海俱利是故光如日月而天下歸之

見尸子云舜之德無不該

南面而治天下燭息風食火飲于澧舜其猶江海乎千仞之溪滿之螻螻之穴亦滿之禹湯之功不足尚矣又云舜之陶也不能利其巷南面而治天下則蠻夷蒙福淮南子用之父母之不我愛弟妹

之不我親故雖躬稼陶漁惡悴勞苦燭息火食口腹不

獲于美厚而諧和正救烝烝乂亡入而不自適

世傳替瞽與象

每欲殺舜其妹嫫母每為之解許說文云或作畫嫫一音畫也類林云瞽填井後兩目方瞽又云舜耕歷山歲不熟舜糴其母詣糴每還錢與米問之子也因相抱泣拭其父目尋自明堯聞而妻之真源亦云糴于平陽市父認之乃紙其目目以光明又御覽八百十二卷引史記舜為父淘井取金銀安罐中與父母齊束之語也嫫

或作擊一作繫列女傳舜
女弟繫與二嫂諧是矣

灰于常羊什器于壽丘就時

負夏未嘗暫息頃丘買貴于是販于頃丘傳虛賣賤于
是債于傳虛以均救之故孔子曰耕漁陶販非舜事也
而往為之以救敗也舜其仁也乎編蒲結罟躬耕處苦
而民從之一徙成邑再徙成都三徙成國至鄧之虛而
百千萬家

世紀云遷于負黍每徙百姓從之按衛有負
黍鄧今襄之南鳳林古之鄧林祈侯之國楚

之北境

小大說之秀士以從雄陶方回續牙伯陽東不訛

秦不宇靈甫不辟而至周旋歷漢之間為之七友迨既

禪七人者始逃之

王禪云堯有九佐舜有七友淵明亦云七友魯連子云舜耕歷山而交益

陶河濱而交禹然後受禪時禹纔十歲或者疑之雄陶續牙人表作維陶續身一作續耳隸轉失之呂本法云堯舜得伯陽續耳而後成又曰舜染于許繇伯陽註為老子舜師之非也

初堯在位七十載

矣見丹朱之不肖不足以嗣天下乃求賢以巽于位至

夢長人見而論治

見書緯溫子昇舜廟碑所謂感夢長人者

舜之潛德堯實

知之于是疇咨于衆詢四岳明明揚仄陋得諸服澤之

陽

見墨子側陋言其在僻側微言不顯世紀云堯求賢四岳薦舜堯命之于順澤之陽或云即獲澤

問

以天下曰我欲致天下為之奈何對曰執一無失行微

亡怠中信亡倦而天下自來

荀子云執一如天地行微如日月誠盛于內賁于外

形于四海天下其在一隅邪夫亦何足致也

問以奚事對曰事天問之奚任

對曰任地又問奚務對曰務人曰人之情奈何對曰妻

子具而孝衰于親嗜欲得而信衰于友人之情乎人情

大不美又奚問若夫從道則吉反道則凶猶影響也南

面而與之言席龍垤而蔭翳桑蔭不移而堯志得始尚

見帝帝館之于貳室

即貳宮世紀堯見舜處之貳宮又云貳女妻舜為築宮室封之虞

亦享帝迭為賓王語禮樂詳而不字語政治簡而易行

論道廣大而亡窮論天下事貫晷條達咸叶于帝而咸

可底績于是錫之絺衣雅琴命之姚姓

尚書帝命驗云姚氏縱華感樞

縱天縱華重華也論語撰考比云重童黃姚黃其德也世紀云賜之絺衣與琴為築宮室封之虞土然云舜上

虞人本姚

姓者安 妃以盲姬以瑩

盲即娥皇字娥姬皇盲聲相滋也瑩即女英見世本故孝

桓梁后名曰文瑩一曰匣見大戴禮承受大命依于倪

皇帝系作女匣氏尸子云妻以娥媵以皇娥皇衆女之

英以觀其內

舊說堯舜同出則皇英為舜之高祖姑故或者以為堯取天下民之女以妻之非堯

之女及晉劉瑕欲婚同姓遂謂堯舜之婿正姓分絕于上斯安矣夫惟西戎氏族無定或以母姓為種猶十二

世乃相婚姻父沒則妻後母兄亡則納養嫂此禽道也尹子乃云舜娶祖姑天下不論之無禮不學如此有說

見餘論

九子事之以觀其外

見孟子伏氏世紀淮南子云屬之九子韓愈以為卿大夫

族人之子亦非

百官牛羊倉廩備以事之于畎畝之中

堯百官已備傳

奕乃云官貴簡約夏后官百不如虞之五十蓋因記之安

舜乃飭正二女勝其胸中

之情以應天地之理澹焉

此未使為司徒時也曰往欽哉然後使宅百揆為司徒馮

休以為豈有始得之遽使百官事之畎畝之中而不當天子之朝且復使誰事堯之朝是宅揆賓門皆在畎畝

之中

二女嬪媯純篤盡道

列女傳云元始二妃帝堯之女瞽瞍和寧卒享福祐九

子尊虞服勤靡懈

有人則作無人則輟可以侈塗人之耳目而不可以欺同室刑寡妻刑二

女非動容周旋中禮疇克哉故能使嬪者舜之德刑也岳薦舜不言其他而言其烝烝又堯試舜不觀諸他而

觀其刑二女父子兄弟夫婦此人之至難者况以卑正尊獨正衆親正疎乎安國云克以舜治家觀治國斯得

之矣妻有桑田身有南畝尹子瞽順象從而不至于姦于

是帝將胥天下而遷之乃歷諸難使宅百揆靡不時叙

書中候等皆云舜為太尉故世紀云命為司徒太尉正月以太尉從事東督乃據中候追維康成劉昭云太尉實司天當是據位書前職爾有說見餘論屬之徽典亡或不從賓于四門諸

侯穆穆五典世之父子兄弟百揆內之百官族姓四門外之諸侯賓客人從之百官從之賓客從之即

傳所謂無違教無廢事無兇人無天怒者孟子曰使之主事而事治百姓安之是民受之也烈風雷

雨納于大麓而弗能迷也大麓之納薦之天也漢儒以大麓為大錄萬機之政于是

太傅趙喜太尉牟融並錄尚書事猶古冢宰位三公上
亮則罷之遂以為常故沈約云亮納舜于尊顯之宮使
大錄萬機之政不知非也夫既有百揆矣豈復錄尚書
哉有說見發揮○昔王介甫問呂晦叔舜納于大麓何
義曰薦之於天故介甫云古者行爵出祿必告太廟軍
山必載遺廟之主誅賞稟而後行示不敢專况以天下
與人可不薦于天乎然以薦必因太山之麓為禪以告
謂太山為易姓告代之所則非也方其納麓猶未受禪
豈封禪之時耶蓋使之主祭而百神享之風雨
弗迷是天受之也胡益之以納麓為虞衡尤妄 帝即致
以昭華之王魯而尚之三載程功亡年疇策民安其為
帝覆其聖謂以天下授舜則天下幸而朱福授朱則天
下病而朱利曰子終不以天下之病利一人乃放朱于

丹而卒禪舜舜讓于德弗嗣弗可遂致天下于大麓之

野屬諸侯焉

典辭不費舜遜于有德者弗肯嗣位堯弗許曲折亦必如禹遜皋陶之委曲記弗及

爾

崇髡非之曰不祥哉誰以天下予人哉帝乃殛之羽

山共工又訕乃流之幽州必以禪舜而天下莫有非者

史云堯治天下殺一人刑二人而天下治荀子云堯伐共工而周語亦謂堯殛鯀故曹植贊堯克流共工萬國同塵然程子以謂共驩無大姦知惡之不可行乃隱其惡以助治一旦舜以側陋顧居其上且將臣使之故不能堪而作惡淮南子亦謂北人無擇非舜自投清冷之淵是則舜德不足以厭衆乎故前說為近

故仲

尼曰堯知舜賢非難也不以所間敗所察其難也正月

上日受終于天府

天府文祖所在上日如上丁上辛者夫受終則堯不復有庶政矣然猶攝

也孟子曰舜相堯又曰堯老而舜攝而世猶曰舜南面堯率諸侯北面朝之齊東之語

乃命羲和

欽若昊天厯象日月星辰敬授人時在璿璣玉衡

堯厯象立

其數舜璣衡立其器璿生于淵月魄終焉陰精之純也玉生于山虹氣藏焉陽精之純也璣運于上以璿為之衡望乎下以玉為之取則乎陰陽之運也說苑璿璣謂北辰勾陳樞星以其魁杓所指二十八宿為吉凶禍福列含盈縮之占云孔子之厯日志北斗魁四星為璿璣杓三星為上衡本此以齊七政日月五緯也堯正經星舜齊緯星所以相濟器出于人故占之以齊七政于上數出于天故推之以授人時于下或以為斗七星者非

肆類于上帝

以下攝位吉祭也上帝者昊天及五帝故以四類小宗伯祀三帝四

郊四類如之四類四方帝也太祝六祈一曰類而四師
類造上帝則為位宗伯有故則類社稷皆宗廟之大祭
也與類禡異禮書以類造為劣于正祭與旅失之云兆
五帝四郊則上帝其南郊矣司服主祀昊天上帝則服
大裘而冕祀五帝如之是昊天外更有五帝上帝可以
兼之孔子以為告天及五帝是也鄭以昊天上帝為天
皇大帝四類為禋于六宗六宗者三昭三穆也與文祖
日月星辰俱妄禋于六宗而七禋者所謂肇禋是也非
上帝上帝以及天神山川以及地示六宗以及人鬼取
義為得百家之說不同凡有十四然祭有其舉之莫敢
廢也有六宗望于山川山林川澤有為民取材用者必
說見餘論載祀典以遠故望而祭之三正

記云郊

徧于羣神

有天下者祭百神皆有功于民者天
神既類人鬼已禋而地示又望矣猶

若未也至于薰蒿悽愴百物之精莫不至則聖人之至
也夫既受終而主祭行巡狩則為天子事矣時以竟在

未即輯五瑞既月乃日遂覲四岳暨羣后班還其瑞

諸

侯圭瑞于正府也岳牧來朝諸侯或不能皆至則附其所執以納于天府及新君已定受岳牧之朝乃以所輯之圭璧付之使各還其所蒞之侯伯更代之禮如此且以俾諸侯知有所統安守而不自專又以齊其真偽信不信者大傳云瑞也者屬也無過行者得復其瑞以歸有過則留其圭能改者復之三年圭不復少黜以爵六年圭不復少黜以地九年不復而地畢穎達謂瑞本受之堯今歛而還之如舜親付之使之為臣示正始也以四仲巡四守歲二月者乃次一年二月也世不之究虞夏傳云惟元祀巡守四岳八伯馬融以為受終後五年非也鄭云建卯之月是矣注以為除堯喪即真之年非至于方岳燔望告至秋山川至方岳必以仲者四岳四方之正四仲四時之中以時之中祀方之正非故為是屑屑也

所以交神明者然也其祀上帝神祇可知矣伏羲堯舜
禮制大備所以為萬世法今疏出之不著中岳者在王
畿內年觀四方羣后問百年而見之鄭云百年老成
時有祭

八伯之樂

九州八伯畿內不置八伯樂名並見書大傳
鄭氏書言堯末義和之子皆死庶績皆闕故

騶兜共工更相薦引四岳者四時之官主四岳之事始
義和為之謂之四伯至死分岳更置八伯以騶鯀共工
放齊為四餘四人無
文賈氏從之妄也元祀代泰山貢陽伯儀伯之樂陽

春官秩宗伯夷為之儀伯義仲之後陽伯之樂舞侏儒
歌聲比余謠哲陽儀伯之樂舞龔哉歌聲比大南陽龔

動貌哉始也南任也中祀大交霍山貢夏伯義伯之樂

夏伯夏官
司馬龔為

之義伯義叔之後夏伯之樂舞謾哉歌聲比中謠
初慮義伯之樂舞將陽歌聲比大謠朱子干大也秋祀

柳穀華山貢秋伯和伯之樂

秋伯秋官士也皋陶為之和伯秋叔之後秋伯之樂

舞葵傲歌聲比小謠苓落和伯之樂舞

玄鶴歌聲比中謠歸來蔡衰也傲始也

幽都弘山祀

弘山

恒貢冬伯和伯之樂

冬伯冬官司空垂為之冬伯之樂舞濟落歌縵縵和伯樂闕

并

論八音四會貢正聲以聽天下之治而民無有不惠而

從命太師陳詩以觀民風命市納賈以稽民之好惡命

典禮協時月正日同律度量衡禮樂制度衣服正之

班固

云惟聖人能同天下之志故帝舜欲同之今修明舊典同律審度嘉量平衡均權正準直繩立于五則備數和

聲以利兆民正海內修五禮五玉三帛二生一死質之

于一同則海內歸之

器卒則復

圭璧在臣下謂之瑞在人君以為器及修之則曰玉三帛二生一死諸侯之壤奠所謂奉

圭魚幣謂玄纁黃者繆世子孤臣豈當朝乎一死脗修之屬非必雉

山川神祇有不舉者

為不敬不敬者君削以地宗廟有不順者為不孝不孝

者君絀以爵變禮易樂者為不從不從者君流革制度

衣服者為叛叛者君討歸次外三日遂假于禰祖用特

告至記禮也蓋出告禰則歸必格于禰王制天子將出造乎禰又云造乎祖禰用特則出而告用特可知故曾子問凡告必用牲幣反亦如之叔恬曰舜一歲而巡五岳國不遷而民不勞何也文中子曰儀衛少而徵求寡也此五年一行之禮而告廟止一特他可知矣茲萬世之禮經也或疑一歲不能周五岳萬五千里以為四年

而鄭氏謂每一岳歸而更去是五載巡一岳皆妄元朔六年之事以八月而周萬一千里尊祀天地豈如是稽

哉卒斂幣玉藏諸兩階之間然後命徧告入聽朝大傳云古

者巡狩以遷廟之主行出以幣帛皮圭告于祖遂奉以藏于齋中每舍奠焉然後就舍反必告奠卒斂幣玉藏

之兩階之間蓋肯命也五載一巡守羣后四朝唐虞五服畿內向

待修朝觀之禮至侯服則當朝一年綏服二年要服三

年荒服四年四年則天下諸侯畢一朝一朝則天子巡

狩蓋五年則一同至京師所謂大朝會此唐虞之典周

官六年五服一朝又六年王乃時巡故周十二年一修

法六年者侯甸男采衛要六年一徧也五年者天道大

備或云舜土德土數五故五載周家木德木星十二年

一周故云十二不知賦奏以言明試以功言奏功試則

五帝二代皆五載也

輿服以庸之

奏者下奏上納者上納下試者在我奏者在人故舜典與益稷異奏言以觀其志試

功以察其事此黜陟之事也不言罰見黜非所先

設三公四輔師保疑丞官不

必備惟人也

四輔三公何敞所謂聖王爭臣七人者建官惟百三公九卿備矣王吉書以舜湯為

不用三公九卿之世妄也記曰虞夏商周有師保有疑丞所謂四鄰也大傳以為前疑後丞左輔右拂其爵視卿祿視次國之君此皆三公論道者故周六官無之非專職也莊子說苑有舜問乎丞之語師保即輔拂故後

周因

肇十有二州封十有二山

肇造始也古未有十二州舜蓋以四岳統十二

州在禹治水之前受禪之初封其山後禹治水見地之大勢止可以成九州故復為九說者謂因冀之北遠故分衛水以為并析燕以北以為幽以青越海乃判遼東以為營夫一州縱廣豈容析而為三宜合天下而均之

而幽并之治適在冀境營之治適在青
境爾鄭云為兆域以祭十二州之分星
謀牧立岳以廣

聽而燭隱

東岳寓于兗牧青徐屬焉南岳寓于荆牧揚
豫屬焉西岳寓于雍牧梁涼屬焉北岳寓于

幽牧并冀屬焉帝覲四岳羣牧又使岳牧還諸侯之瑞
則羣后隸十二牧十二牧隸四岳明矣然則山岳揔于
百揆而非一人又可知也何武翟方進奏言古者選諸
侯賢者以為州伯咨十二牧所以廣聰明燭幽隱也乞
置州牧以應古制此固服之內六
服之外揆牧不及則附庸而已
于是沈菑耒復民亡

安止爰命伯禹繼平水土主名山川俾益掌火烈山澤

而焚之禽獸逃匿然後人得平土而居乃商九州以正

五服以定任賦表提類考疆域作十有三載而後同

漢志

云虞舜登庸厥功彌劭表提類而分區宇判山河而考疆域冀北創幽部之名燕齊起幽營之號所謂肇十二州封十

二山也

既釐下土方別居方別生分類錫土姓而下亡

違者

賜大賢

壇四奧沉四海而函夏正

沉祭水名

水始平姦究

衆于是象以典刑

典六典刑五刑象以示之所謂方施象刑如所垂治象蘇軾胡翼之謂其

所犯為常法非也

刑出不復流以宥之

為被五刑為已重加鞭朴為已輕者

官有

慢事筭以訊之

庶人之在官者

教或不率朴以威之

皆教也非止在學

罪疑犯誤金以贖之

以上典刑之目黃金古易得故大辟罰六鍰頴達謂古以銅器漢始

以金少之令敵

凶荒災青赦以肆之

肆赦青災也春秋肆大青甸師喪事代王受青災是

也亦猶荒政者諸儒之說非

惟怙終賊在所刑者

刑故也恃詐力卒

律家之情重者康誥曰乃有大罪非終乃惟青災適爾既道極厥辜時乃不可殺青災肆赦之謂也人有小罪非青乃惟終自作不典適爾不可不殺怙終賊刑之謂叔向曰昏黑賊殺臯陶之刑也

欽哉欽哉

惟刑之謚哉

民可覲德不可覲刑方巡狩時以庸一言及賞而詳刑如是或曰德化不能以獨行

此養苗去害之說非也蓋時洪水方平不久無刑姦賊方張民無莫枕故水既平而刑旨議爾韓子云昔舜使禹決洪水先令而有功者殺之舜法也欽哉之語非史所記乃戒臯陶語文有脫漏

舉八凱使主

后土以揆百事百事時叙地平天成舉八元使布五教

五教克從內平外成十六相得而天地治

事詳左傳文公十八年故

晉華歆傳云帝舜以二八成功虞喜疏云二八舉而四門穆袁宏云二八升而唐朝盛皆指攝時

流共

工于幽州放驩兜于崇山竄三苗于三危殛鯀于羽山

四罪而天下咸服

共工靜言用違故流驩兜黨敵共工故放苗頑不即功故竄鯀方命圯族

故殛輕重之叙流者屏之遠地放者棄之不齒竄則編管之惟殛為重或云死非也安國以四罪為皆誅蘇軾以為皆不誅而為遠國君俱失之按四罪皆在堯世舜攝之初但史官于此摠舜之功德刑併及爾不然鯀殛宜在堯十二州之後哉知二典亦有不次處且治水時三苗已丕叙矣何舜晚年復分北哉孟以竄為殺莊以竄殛為俱殺且易二十有八載堯崩

舜生三十而舉用歷試三載二十八

載堯崩時年六十

三年謬避帝子朱于南河之南天下之覲者

不之朱而之舜歐歌者不之朱而之舜獄訟者不之朱

而之舜夫然後之中國

諸儒謂無三年之喪執有三年喪畢實錄未定方避堯之子者

或曰二十八載丹朱為君之心固未忘也今而避之變生奈何曰一朱豈能變哉惟順事爾不然舜視棄天下

猶敝屣也豈鄙夫之患失哉

月正元日

月正猶詩言朔月語云吉月者

元曰甲子也故世紀以為仲冬甲子月次于畢而即位康成以為堯建丑舜建子妄矣王肅謂夏而上皆寅正

得之王安石云曰月正者避堯子時

假于文祖

太史公以文祖

為堯之太祖或云藝祖文祖同義非也孔氏云堯文德之祖穎達謂其廟不知祭何人或以藝祖為堯之祖神

宗為堯

踐天子之位都于蒲

今河東縣蒲津關所謂蒲坂漢志之蒲阪縣本曰蒲

或然

或曰蒲陰今河中有舜泉坊二井相通祥符祠分陰臨
觀賜名廣孝泉蒲頻河地鹵水鹹此獨甘美中山記蒲
陰昌安郭東舜氏甘泉即此有舜與二妃祠西征記潼
關去蒲坂城六十城中有舜廟城外有舜宅并及二妃
壇南去城二十舜所耕也宣室志開成中及安邑謚云
有盧嗣宗入蒲津城英廟狎神悸死之事
都或云蒲坂或云平陽及潘今城中有舜廟按潘在媯
之懷戎西北三里亦有歷山上有舜祠考之帝迹未聞
在此媯汭在河中
不得遼隔如此
以土承火色尚赤
世紀淮南子
云尚黃非
改正

易服明庭王階

見章華賦墨
子明堂也

立七廟

家語廟制有虞七
孔子曰天子七廟

自有虞以至于周不變也晉太始三奏置七廟宜權立
一廟羣議以為上古清廟一宮周置七廟舜承堯禪受
終文祖則虞氏不改唐廟
乞依有虞故事說見餘論
祠中雷社用土封祭先首而

尚氣血腥燭祭

血陰而氣陽養生者欲血少而氣多禮云虞氏尚氣商尚聲周尚臭氣臭一也

商不尚氣何以薦且人鬼之享不在九變之前搏拊琴瑟不居祖考來格之後虞夏未嘗不尚聲也冕望

紱綵緇衣纁裳

敎冕服之鞞也以韋為之舜始作以尊祭服見明堂位鄭注乾鑿度云古田漁

而食因衣其皮先知蔽前未知蔽後後之易以布帛獨存其前重古道也要義謂古未知蔽後舜冕服既備故後作之深衣緼袍以視朝兩敦王尊

兩敦黍稷也杜甫云舜祠宗廟以玉

尊泰尊

即瓦甒

梲俎義尊匱豆大路越席水陸修絜以致

敬于鬼神日南至禘圜丘配以黃帝以夏至祭帝南郊配高辛以北至祀神州于北郊五天佐五人神于明堂

高陽唐堯配焉

乾鑿度云三王之郊一用夏正蓋特尊也特尊者五帝中特祭感生一帝也周

公郊祀后稷以配天是矣王者禘其祖所自出先儒謂是感生帝鄭謂圜丘祀昊天上帝南郊祭感生帝以建寅圜丘國南即為南郊雩祀祈穀皆謂郊也故曰南郊為大報而夏正郊亦曰大報祭則報也春禘夏

禘秋嘗冬蒸所以報本反始也乃駕五龍

列子舜駕五龍馬行康衢

乘鑾輅載絜旌小綏大綏

陸佃以鑾車為金輅鉤車為戎輅明堂位虞氏之旂又曰

虞氏之綏以月令鑾輅青旂周官金路亦載旂也

日三朝于瞽所夔夔齊栗惟

盡子道順其性而得其情故瞽底豫瞽底豫而天下之

為父子者定

竭力耕田恭為子職庶人之孝也以天下養養之至天子之孝也舜為庶人則盡庶

人之孝為天子則盡天子之孝知盡其心而已而記者曰舜見瞽瞍其容感焉咸丘蒙曰瞽瞍北面而朝舜堯率諸侯亦北面而朝之是無父無君也乃建百官唐虞禮不迎尸為不敢為主而況敢臣父乎稽古

建官惟百明堂位云有虞氏官五十者安主五等公侯伯子男親親任賢建弟象

于有畀見鄒陽傳今道州昌邑王賀傳封黃帝之孫子

十有九人為侯伯都邑服色祀享封列禮之必至者故書自格文祖後即繼以咨四岳聽納

為萬事本故先之其他常事不書韓詩云封黃帝子一十九人非法義也詢于四岳辟四門

明四目達四聰咨四方之門以招來清四方之見以廣覽擴四方之耳以兼聽皆因四岳蓋知

四方無逾于四岳也故首以是詢之言四目則知聽之為耳言四聰則知目之為明猶言汝明汝聽皆體用也

咨十有二牧曰食哉惟時柔遠能邇惇德允元而難任

人蠻夷率服

食民之命而蠻夷各隨邊土備禦故以咨之十二牧柔遠能邇必相為用遠者政教

有不及而略故柔之過者政教可以加而詳故善之舜戒諸侯柔遠能邇而蠻夷率服平王告文侯柔遠能邇而惠康小民說者以詩書言能邇必先柔遠明遠未柔則邇惠有不可得善中庸言柔遠人而後懷諸侯允元或以此為乃咨四岳有能奮庸光堯之緒使宅百揆

舜德俱非

亮采惠疇亮曰司空伯禹

司空掌土地以居民百揆非司空之職舜為天子特使之

代已事爾時禹遜于稷契皋陶帝不從爾雅亮左右也采如僚采言事各有其列疇如九疇言事各從其類仲舒云舜即天子位以禹因堯之輔佐帝曰禹汝平水土維其統業是以垂拱無為而天下治

嗣考之勛四海會同祇我德先時乃功惟叙

祇台德先不距朕行

非豫于治盖水未平四方諸侯會同之禮有不講而上之德或闕今能使之祇我德先而不距所謂廼朕德時乃功惟叙謂天下之人皆由我禹曰兪小子敢悉考績之德而行者是汝功之惟叙也

以統天意

禹功著天下此不必問而咨岳者宅揆大職亦不自用也曰汝往哉猶曰無如汝盖先定

天降秬秠乃命稷築墻茨屋辟地時穀萬民乃足

詩曰誕降

嘉種孫氏瑞書云舜時后稷播種天降秬秠生民有荏葢禾黍麻麥爪隄秬秠糜芑所謂百穀云播時百穀同

命僕司徒別三族親百姓敬政率經毋亟五作十道孝

力為右萬民以成

玄云五作五教也十道者謂君令臣恭之類水土平而後衣食足教化興

也孟子曰飽食暖衣逸居而無教則近禽獸聖人有憂之使契司徒教以人倫五品父子君臣夫婦長幼朋友如父子主恩君臣主敬天之與我民彝者故謂之典其在人有秩序則謂之品及布之下乃曰教百姓百官族姓膏梁難化

皐陶為士

士理官也故史云為大理周官典刑謂之士師士者事人之謂

故憂其不親
事人則事事當察爾雅士察也

以五服三次五宅三居

之法政五刑以消寇賊姦宄

帝命皐陶蠻夷猾夏寇賊姦宄此司寇詰姦慝刑暴

亂者夫二帝時民淳俗皐自無寇賊姦宄今因蠻夷猾夏而起故命士師治之說者乃以為唐虞士官兼司馬而王安石蘇軾等遂謂以五流三居治蠻夷疎矣刑有五必服其罪流有五必使有所宅所謂有服有宅三就三居王氏之說為近蓋教之原情定罪不為執一之說或以五服為要荒三就為朝市原野原野之說蓋本國

語止是大辟一刑要荒亦惟流蔡豈墨劓亦流之哉孔又以三居為四夷與九州外千里外亦非

密勿

淑問制百姓于刑之中以教祇德惟明克允

刑法也惟明足以察

故易每以雷電為用刑之象凡以動而明也皋陶方施象刑惟明可見允信當也子曰舜選于衆舉皋陶不仁者遠矣昔揚賜稱尚書令數日出為廷尉自以世非法家固辭謂三后成功惟殷于民皋陶不預蓋容之也

帝曰皋陶惟茲臣庶罔或干予正汝明五刑以輔五教

刑期于亡刑民協于中是乃功以刑教中陶乃祇陳九

德之序以刑備僇是故畫衣異服而姦不犯其醇

荀子云象

刑非生于治古並起于亂今所謂象刑其說不一真子曰有虞氏之誅也以畫詭當黜以草纓當劓以復緝當

則以艾畢當宮布衣無領以當大辟謂之戮上世用倂而民不犯故文帝治云有虞氏畫衣冠異章服以為戮也謂象天道而作刑嗣畫疏一作幪中復緝一作菲履艾畢鞞也草纓荀作檢黥墨刑也與甫刑傳之說不同詳堯紀布衣無領即頽衣不純

垂為宗工

辨材楷利器用

宗工司空之職使之代禹垂有創物之巧舉極其精故竹矢猶為後世寶

于

是百用作削鐻修之迹流髹其上輸之宮寢而當時之

諫進者十有三乃崇納諫之官

文子云髹塗髹以自怵戒髹黃漆也髹余云髹

作漆器諸侯以為益侈國之不

服者十有三魏徵有進諫之說

益為公虞若于上下草

木鳥獸佑之朱虎熊羆而物蕃衍

禹益垂伯夷四人新命皆四岳所舉四人

皆辭而終命之舉可謂約周官大山澤虞中士四人下
士皆八人與中山澤虞下山澤虞甚衆益之為虞豈一
山一澤哉衆
虞之伯也
夷作秩宗孔注云宗廟之官宋百官春秋王莽以宗正為秩宗繆矣降

典三禮

舜時五禮具備云三禮者據事天地人為之其實事天地為吉禮餘四皆人事

惟寅惟

清以接幽玄以節天下哲民惟刑而上下讓

史記伯夷主禮上下咸

讓刑法也夷本典禮而以其法教民若享宗廟是降此典禮折斷于民以為法也或云堯先任皋陶後任伯夷故舜典先言之而呂刑后夔典樂虞帝之世夷典禮夔

樂屬於宗伯則為一知帝治于禮樂致詳也大晨書引傳舜五祀論鍾石定人聲此大傳語

以樂德

教胄子樂語興道其風頌語言直寬剛簡惟克有濟

興于

詩成于樂故典樂以教胄為先周官大司樂掌成均之法合國子弟詳略雖異而其教則同仲舒康成五帝之學周于成均教樂德樂舞樂器則習樂所也胄子元子以下及卿大夫子孫所養者厚所教者薄故于此而加詳由聲之

入人深也

以六律五聲八音七始在治忽以出納五言

而賞諸侯

漢志言以律呂和五聲施之八音合之成樂謂七始詠者天地人四時之始也故以歌詠

五言聽之

樂歌箴舞以和鐘鼓詩言志歌永言聲依詠律和

聲八音克諧神人以和

樂之所感幽明一也仲尼燕居謂變不達禮妄矣外紀重黎舉

變典樂欲益求人事見孔叢子按八音克諧此帝之所以責變百獸率舞此變之所以許帝劉敞等以為脫簡非也論

見發揮

晏龍納言主賓客夙夜出納射侯書據以待庶

頑讒說殄行格則承之庸之不者威之而遠人至

者納言星

也王聽下言納于上為名詩云出納王命王之喉舌故晉志云納言五星夙夜諮謀龍作納言此之象也

帝

曰洛汝二十有二人欽哉惟時亮天工

王蘇等以四岳九官十二牧為

之然四岳非一人也故胡益之以百揆易四岳不知百揆在九官中矣若合四岳則二十五矣故世紀云二十五人或在九官或在十二牧中一人兼兩職者若先為牧又兼四岳九官爾孔氏以為禹益垂伯夷夔龍六人新命有職及四岳十二牧然其戒四岳以闢四門戒十二牧以民食蠻夷是岳牧之事已各戒之則此洛二十二人必不兼矣况亮天工者非岳牧之任而禹稷契皋陶有不應絀者元凱十六相與羲和之六卿歟九官在其中故各以事洛戒之又如羣臣受任而遜于人亦皆授職如及我伯與朱虎熊羆不見任用有舊職不移也

三載一考績三考絀陟幽明于是俊又在官羣后德翼

三考九年周傳考績訓云三歲小考正職而行事九歲大考絀無職賞有功也一之三以至九年天數窮矣陽德終矣積不善至于幽六極以類降故黜之積善至于明五福以類升故陟之皆所自取聖無容心也 巡

州觀風習其情性因論十有二俗定以六律五聲八音

七始著其素以為韶退其利欲返其仁義九奏具成而

鳥獸之聲猶悉關於律

關猶統也

惟五祀定鍾石論人聲鳥

獸咸變乃更著四時推律呂均十有二變而道弘廣于

是勃然興韶于大麓之野執事還歸二年謗然乃作大

唐之歌以聲帝美聲成而絃鳳至故其樂曰丹張辟雖

鷦鷯相從八風回回鳳皇喈喈言其和也

書帝命驗云舞終而朱

鳳來

因農而擾兵因獮而蒐練寓之牧伯故干戈不試而

人皆體之兵衛少而誅求寡故國不匱

陰經云陶唐氏以人戒于國中

欲人強其命也有虞氏以農教戰漁獵簡習故人皆體之夏后氏誓衆于軍中欲人先其慮盖有虞氏之兵寓于農也故劉勰云有虞始成于國 尚廣能賢以自輔博學以成能師紀

后

紀國之君即冀后故

拜蒲衣

即披衣高士傳云披衣蒲衣之子尸子云八歲

辭遜以天

親單卷

即善卷善卷墓在今辰州大酉山

學于務成軺問于

務成詔曰天下未治何以使我對曰避天下之逆從天

下之順天下不足治也避天下之順從天下之逆天下

不足失也

新序作務成子跗荀子作務成昭

于是依乎中庸明庶物察

人倫執兩端而用中於民作五葆扇立誹謗木善旌諫

鼓以廣直言之路

管子舜有告善之旌示不蔽也諸亮疏堯鼓納諫舜木求箴詳堯紀訪

不逮于總章

總章明堂一曰總期尸子云有虞曰總章商曰陽館王通牛洪杜佑亦云故陳子昂

云黃帝合宮有虞總章皆所以調元氣治陰陽也然考月令南明堂北玄堂東陽館西總章三正所尚故夏商周以玄明陽為名惟虞非三正總章非西義宜呂氏之繆養國老于上庠養庶老于

下庠憲其行止蓋貴德而尚齒

熊氏云國老卿大夫致仕者庶老謂士皇氏云

庶人在官者其致仕之老大夫以上當養從國老之法士養從庶老之法故外饗云邦饗者老掌其割烹周人養國老于東郊庶老于虞庠是也鄭云虞夏商質取貴成物故大學在西小學在東深衣燕禮脫

屨陞堂袒割牲醕醢進爵公攝凡卿納舄祝鯁祝鮓以

養其氣體善則記之以為惇史

崔云燕禮者殺有蒸于俎行一獻之禮坐而飲

酒以至霑醉饗禮則體薦而不食爵盈而不飲依尊卑而為獻取數畢而已相尊敬也食禮則不飲酒享太牢以禮食之而已嘗譖于衆曰吾盡吾敬以事吾上而見者謂忠

焉吾盡吾敬以接吾敵而見者謂信焉吾盡吾敬以致

吾下而見者謂仁焉吾是以見愛親于天下之民而歸
樂于天下之士又貴信于天下之君則取之以敬也所
以明道而諭教惟以忠敬而時鄉之是以未施設于民
而敬

時鄉順受之

藏金巉巖之山捐珠五湖之淵而下服度

不事采鑿而藏之山捐于淵也抱璞子云虞舜承禪
抵璧于谷陸賈新語云以杜淫邪絕覲媚之情也

堀

地財取水利股肱不居故祠于田曰荷此長耜耕彼南
畝四海俱有志利民也乃作米廩以教于國以臧帝藉

禮傳米廩虞氏之庠也虞氏出于畎畝故特作米廩藏
榮盛之委焉蓋御廩神倉所謂廩于籍東南者魯之米

康虞氏之庠耳曰庠者祥事也立兩學以教國士

上庠大學

于此教孝或曰言祥事考禮也

下庠小學小學在東左學也大學在西北學也小學在國中王宮之東大學在西郊虞夏質而尚右周則改之

庠于周為鄉學

秋養耆老春食孤子大于是得策乘馬之數乃

割高陴保太衍軫羣害以作策馬貨當金貨一金二金

二四金二五金策垂馬幣

詳董氏譜其文當為尚策為乘馬為正按漢書天竺為乾

篇而佛書篇皆作竺又爾雅竺厚也楚詞帝何竺之則竺之為篇不疑矣五二金者重貨也金一者輕貨也當金者當重金也

考之管子可見

又率百畝之夫而與之策率二十七

以為子之春事以資子之幣分國穀之重而足國用春

秋子穀大登國穀之重去分謂農夫曰幣之在子者以
為穀而稟之州里國穀之分在土國穀之重再十倍謂
遠近之縣里邑百官皆當奉器械備曰國亡幣以穀准
幣國穀之擴一切什九還穀而應穀國器皆資而亡藉
于民不窮其力而巧于使之故民死而不怨飯糗如殖
餽益亡臚而下不以餘獲罪瓦甌土型而工不以巧獲
罪麤衣墊領而女不以侈獲罪法下易繇事寡易功而
民不以政獲罪道太多容大德衆下寡為而用物常壯

故天下之賢皆躍而歸之丈夫女子振振殷殷亡不載

說乃為詩曰普天之下莫非王土率土之濱莫非王臣

以言賢之不時也

呂氏輒輒顧顧注顧顧欲動而喜貌

爰省中河登南山

觀河渚錄皇圖壇沈稷下瑩光休至

孝經鈎命決云舜即位巡省中河錄

圖受文稷讀為側地在洛水傍方堯禪舜沉書曰稷而赤光起舜禪禹沈璧堯壇赤光又起及湯觀洛沈璧三投光不起矣

于是禹益進戒

見大禹謨

遂申錫羣后封棄百里之

駘賜姓姁氏

姁即姬也故堯本姬姓傳云姁姓

封契七十里之商賜姓

子氏

中候契握湯云契賜子氏孝經授神契同

遷伯禹夏賜姓姁氏皆益命

以為公

握河紀云堯即政七十年受河圖繼云堯曰嗟朕無德欽奉丕圖賜爾二三子斯封授契皋陶

皆賜姓號注授契公也自商以上大國百里考河命曰舜褒賜羣臣爵賞有分授契皋陶皆益土故康成云三人皆先封舜如其封地而

周紀謂禹封棄于郅妄也皋陶能刑于封之皋而益滌

鴻奏庶鮮食于封之梁伯夷次禹能禮于神爰封之呂

商武正義云益其封昔不止于百里非

于是繹承雲備咸池

淮南子舜樂咸池承雲九

韶注兼用黃帝樂也

以六律五聲八音七始詠叶治忽以出納五

言而賞諸侯命質作昭華之瑱尺有二寸之箭

世本舜造簫形

參差象鳳翼其管長二尺高誘以質為即夔非

夔修大招六列五英以明帝德

以降上神通八風而齊上下拊隔鳴球搏拊琴瑟以詠

夏擊孔安國以為祝敔然搏拊如鼓以韋為之以作止樂則是與祝敔重設抑堂上設之堂下復設之乎蓋搏拊非祝敔矣禮云搏拊玉磬指擊大琴大瑟中瑟小瑟荀子云懸一鐘而尚拊大戴懸一磬而尚拊拊設于鐘磬之東為衆樂之倡禮書云搏拊鼓類舞堂上有鼓堂下有鼗周官大師小師大祭祀登歌擊拊蓋夏編磬擊編鐘搏小瑟拊中瑟之屬云拊瑟擊磬如搗箏摘阮爾沈括云鳴球非可以夏擊和之至有時而至于夏且擊琴瑟非可以搏拊和之至有時而至絃千玉戚冕而大子搏且拊不知其然宜祖考之來格

舞下瑱鼗鼓合止祝敔

燕禮下管新宮禮下管象升歌象德下管象武事商詩先鼗後

鏞鼓周詩先鼗後惟鏞天地之義鄭謂九夏先鐘非也

笙庸以間

笙震鏞允陰陽之義笙至細鏞

至大細大間作堂上以詠而不以間八音皆有過賴人聲而和儀禮大射樂人宿垂于阼階東笙磬西間而南笙鐘其南鐃西階之西庸磬其南鐃盖阼階東有笙磬笙鐃西階西有鐃鐘迭作之也

堂上之樂

祖考來格虞賓來助羣后德巽堂下之樂鳥獸瑤瑤擊

石拊石百獸率舞庶尹允諧韶箎九變而帝道成鳳皇

儀五帝之樂莫盛于此

舜治至鳳來儀然後有蕭韶九成以象之武治至復綴以崇而

後有大武六成象之韶文樂文為陽故韶九變而止武為陰故武樂六成一變為一成簡韶者舜樂總名舞者所執上取羽翟簡簡然之意豈止來鳳有苗之格實由乎此世以為蕭舜樂固自有蕭也康成以百獸為伏不氏之所養者然則鳳來其益虧之所起乎有辨見發揮書中候考河命云舜曰朕惟不艾冀英孚著百獸率舞

鳳司晨注如雞而司晨子曰鳳鳥不至別鳳而言表靈物也通云夫鳥鵲之巢可俯而窺鳳皇何為而藏乎

故仲尼曰韶盡美矣又盡善也又曰韶者舜之遺音也

溫潤以和如南風之至其為音如寒暑風雨之動物物

之動人仁義之動君子財色之動小人是以聖人務其

本乃封夔于歸

歸即夔國語平姓歸越是矣樂叶聲儀云昔歸典協樂律書中候云禹拜稽首

讓子益歸注歸堯臣讀為夔宋忠云歸即夔之歸鄉乃

今之秬歸縣地有夔鄉夔封在此地理志云秬歸歸子

國是也子謂古以秬歸鳥名史歷書秬雉先嗥盖俗作

子規今秬歸縣東十里有夔子城高堂賦又作秬歸故

素山松等以為女嫫歸

屈原喜而為名妾也

自即位以來順堯考德欽翼皇

象考河命云若稽古帝舜曰重華欽翼皇象注翼奉歷象也言欽奉皇天之歷數也天德出寧

日月照而四時行積正合仁由仁義行是故好生之德

洽于民心在位猶北極題期立象臨下以簡御衆以寬

損益盡由堯道曹衆傳肅宗元守二年詔云帝命驗曰順堯考德題期立象注堯巡省河洛得

龜之圖書舜禪習禮題五德之期立將起之象也宥過亡大刑故亡小任于人

而不任於法故不賞不罰而民可用古司馬法注云故如故殺尊德

義貴縕年損已以安百姓是故寡怨于人率天下以仁

而人從之光天之下惟好問而察邇言隱惡而揚善善

與人同舍已從人樂取諸人以為善言行一善從之若
決自耕稼陶漁以至為帝亡非取于人者體仁孝之德
盡事親之道五十而嬰兒慕承安引佚立義治律而萬
物以皆作分均天財而萬物以熙熙游于巖廊之上左
禹右皋不事詔而萬物成被袵衣鼓五絃詠南風之詩
不降席而天下治

琴書云舜鼓琴而黃河
清南風詩說詳餘論

功格亡臬恩

被動植山川鬼神莫不咸若故曰受命于天惟舜也獨
正幸能正生以正衆生君天下生無私死不厚其子有

惻怛之愛無忠利之教親而尊安而敬威而愛富有禮思而能教是以宗廟享之子孫保之故為法于天下可傳於後世天下之明德皆自帝始故仲尼曰亡為而治後世雖有作者虞帝不可及也夫何為哉恭己正南

面而已矣

舜有天下何容心哉敬修其可願而已是故執中含和不下廟堂而行于四海尸子曰堯

以天下與舜顏色不變舜受天下于堯亦顏色不變知天下無損益于己也夫何為哉堯仲舒以為繼堯故無為誤

是以教通四海之外北發肅慎

晉灼疑北發為國名大戴禮孔子曰

舜明民教通于四海之外北發肅慎大教鮮支渠搜氏羌南撫交趾按周書有發人乃東北夷則發與肅慎二

國南撫交趾東長隲夷

史作島夷長夷島夷也

西渠賜支

渠渠搜也今朔

方渠搜縣賜音錫析支也今河關西十里有河曲羌是大戴鮮支非

出入日月固不率俾

大戴禮孔子之言

大人反踵俱被其澤萬邦黎獻共為帝臣而

粒食之民昭然明視屈軼產觀景星耀房古黃委轡山

車垂綏

洛書靈準聽云舜受終鳳皇儀黃龍感朱草生莫莢滋春秋佐助期云舜時景星出房瑞應圖

云舜時有三足烏金車見于庭即山車也

蟠龍貴信于其臧魚鼈享游于其

穴長胡獻白狼之霜西母進益疆之版

西王母西方昏荒之國說詳餘

論

十有二牧貢亡不時君子人來効龍求能食之高陽

之後有董父能求其欲使秦之賜之氏曰秦龍封于馮
川于是始有秦龍之官少昊氏有裔子曰孟虧能馴鳥
獸而致鳳凰爰封之蕭故孔子曰舜其大智也與起布
衣積德而終以帝其政好生而惡殺其任授賢而
替不肖德若天地而靜虛化若四時而變物是以四海
承風暢于異類鳳翔麟感鳥獸被德亡他好生而已書大
傳成王問周公舜何人也曰其政好生而惡殺尸子曰
有虞之君使天下貢善其治天下見人有善若已有善
見人有過如已有過
此有虞氏盛德也
宅立三十有三載洛禹而巽位焉

詳見書

乃更著四時張樂成于大麓

大傳附于五祀

鐘石淪笙管

變未及終天大雷電烈風大木盡拔大屋盡發宮羽盡
革二工伏祝以操雅帝乃雖而歌者重篇樂正重贊舞
人復綴乃更容貳節備十有二變奏肆夏而納以孝成
四岳三公暨百執事咸贊于帝曰尚稽泰室唐為虞賓
始而狂然汔茲美于四極誠禹之命敷于四海韶為賓
而雖為主人莫能遷矣于是命禹行天子事巽于臯陶
弗可

其辭見于書

正月朔旦受命于神宗帥百官如帝之初

于是八風循通卿雲叢叢俊乂百工胥和而歌曰慶雲
爛兮糾縵縵兮日月光華旦復旦兮八伯拜手而進曰
明明上天爛然星燁日月光華宏于一人帝乃擁旋持
衡沉首而笑曰時乎日月有恒星辰有行四時順經萬
物允成襲乎鼓之軒乎舞之英華欲遂褰裳去之百工
又歌而終焉維時洪祀六沴用咎于下乃令大禹步于
上帝而共禦之帝用不差神則不怒五福乃降用章于
下禹乃共辟厥德用帝休令爰用五事建五極而共禦

之共供也共禦之法備見大傳云王后元祀禹攝之元元年也知五行傳不自後世歟向以來訛而繆之爾
大傳得正
步推也 三載釐苗弗恭命禹征之三旬苗猶逆命益

贊于禹曰惟德動天亡達弗屆帝之往于田也號天引

慝瞽亦信順至誠感神矧茲苗乎

言有証乎其入者雖詳必錄此之類也苗

竄三危而分北不在舜立之前此三苗竄後復有為三苗君者

于是般師振旅帝乃誕

敷文德舞干羽于廟階七旬而有苗格分北其民亡世

在下

人非禽獸俱有良心苗始逆命而終服何哉師旅之至不得自新故承命而逆自救之計也及益言

而禹班師矣苗聞義而始服果如益言故善用兵者示之以生路

故孔子曰通乎德之

情則孟門太行不為險矣德之流行速於郵傳命用之

明堂金在其後先德而後武也舜其由此乎

韓詩說苑云禹請伐

苗舜不許曰吾喻教猶未竭也久喻教而苗請服天下開之皆薄禹之義而美舜之德

初有苗負

固非用靈昏迷不恭侮慢自賢反道敗德君子在野小

人在位斷制五虐之刑以亂亡辜爰始淫為劓刵椓黥

越茲麗刑併制罔差有辭練抑惟刑靡察于獄之麗罔

擇吉人惟時庶威奪貨以是為法而民有惡德泯泯焚

焚罔中于信及是亡辭于罰遂分北于既巽禹于洞庭

張樂成于洞庭之野乃作大唐之樂以畋帝美作大化
大訓六府九原之章以颺禹功而君臣之美盡矣十有

七載天見妖孽黃星靡鋒帝乃死

宋張謐觀象賦云嘉黃星之靡鋒明虞舜

之不以瓦棺葬于紀是為鳴條

紀即冀故紀后為冀后今河東皮氏東北有冀

亭冀子國也鳴條在安邑西北其地相近記謂帝葬蒼梧皇覽在零陵營浦縣尤失有辨見發揮

年百

十有一

世紀八十一即真八十三薦禹九十

三妃娥育

亡子

禮云蒼梧葬三妃未之從以證古無合葬先儒謂舜不告而娶不立正妃安矣楚辭有湘君湘夫人

世傳堯女故退之以娥皇為正而英為庶皇長故曰君次為夫人不知堯欽舜之德釐降二女方在婁列釐降

以理下之也。豈女勝哉？但二女觀舜之德時，以婦道嬪于虞氏。舜即位，乃擇立焉。鄭云：舜但二妃，細云三妃舉其貴耳。女嬃生義鈞，及季釐、季釐封緡，為桀所克。義鈞封

于商，是為商均。是喜歌舞，禹封均子于虞，虞思妻少康

厥後，虞君惟專于樂，臣爭于權，民盡于利而亡。

見周書以虞思

為象孫妄

次妃癸比氏生二女，曰宵明、曰燭光，處河大澤，靈

照百里，是為湘之神。

大澤謂洞庭，言為神處此，故靈光及于百里也。以湘神黃陵為舜之

二女非堯之女也。唐屬岳司馬氏時，屬長沙天祐中，號懿節子嘗欲作黃陵碑，言之詳見發揮辨舜冢中。

庶

子七人，皆釐降于齊人。

代宗詔云：虞夏之制，諸子疎封世紀云：九人朝鮮記云：舜有子

八人始
歌舞

主胡負遂廬蒲衛甄潘饒番傳鄒息有何母轅

餘姚上虞濮陽餘虞西虞亡錫巴陵衡山長沙皆其裔

也

並詳國
名記

夏之世有箕伯直柄伯戲中衰成湯寘之于

遂遂世守之後為齊所滅

莊公十二年齊桓滅之左氏正義及風俗通云商封之于

遂袁良碑云世本陳遂舜後宋虞思後箕伯直柄中衰湯封遂于陳以後舜

箕伯之後箕子

事紂仍諫不入陽狂為奴紂敗囚釋為武王陳洪範去

之朝鮮以道義化其民蔚為君子之國

宋世家云箕子紂之親戚蓋外

親也而鄭玄王肅馬融之徒以為紂之諸父伏虔杜預以為紂之庶兄皆無正文以意言之大傳云箕子不忍

為周之釋去之朝鮮武王因封之朝鮮遂有臣禮故十三祀乃來朝然叙云勝商殺紂以箕子歸是釋其囚即以歸因訪以伐紂之事假以大對陳洪範而去之蓋遜去如夷齊之于首陽非就封也十三祀併文王之年

後有箕氏鮮氏鮮于氏

姓纂云其支子仲封鮮于為鮮于氏顏真卿鮮于少保碑云先

太師武王封于鮮于仲食邑於于而受氏寔字記潁川八姓有于鮮

直伯之後有直氏圭

衛蒲傳則商滅之胡潘則周滅之息負廬鄒則春秋時

入于彊矣後各以國命氏

郡國志云衛國姚姓亦見水經注

有虞氏幕

氏司徒氏申屠氏信都氏勝屠氏勝氏勝徒氏

申屠見世紀湯

時有申屠狄然衛文公子許宋遄公叩陳成公子後皆有此氏姓纂云申侯子居安定屠原而姓非 冒氏

咸氏遂氏須遂氏合博氏李氏

漢胡不害封合博侯為氏唐定襄王李文思本

胡氏李叔明本鮮于氏賜

胡有何皆歸姓

王符云歸姓胡有何魯襄夫人胡女共少婦齊歸是

胡公世不淫至虞闕父為周陶正武王妃其子胡公滿

以太姬

姓纂均後三十二世孫遇父袁孝政以太姬穆王女名胡姬妄

錫之媯姓與肅

慎之瑤復之于陳

大戴禮禹受命乃邑姚姓于陳則胡公乃繼封也

以備三客

三恪義取王尸所敬左氏傳以陳備三客徐錯云今俗作恪古讀客如恪即三恪也詩云有客者故陳王問太師周存二代又有三恪何也對曰封夏商之後為二代繼虞帝之後為三憲憲敬也言禮之如賓客非別有三恪也
二十有五世而楚滅之後有陳氏遏氏轅氏棖氏袁

氏爰氏慶氏衡氏柳氏鍼氏逢氏敬氏弱氏杵臼氏五

父氏駟氏恩氏甄氏番氏闕門氏壺丘氏偃師氏司甄

氏儀氏

昭公八年滅明年又書陳灾君存馬爾哀十年楚伐陳又十三年云退之云父子食采袁鄉為

氏乃轅也甄本音堅陳留傳云舜陶甄河濱後氏按楚子縣陳通奔周王以為中將美其族命為甄氏云錫姓因生如堅之讀形聲轉注以真為音鎮林

摠倡名呼堅于襟不知也見張說甄匱碑

初齊桓公十

四年陳宣公殺其太子御寇而敬仲奔齊致陳樂是以

孔子在齊而聞韶敬仲有禮桓公說之以為工正為田

氏

世家云如齊以陳字為田氏然左氏云陳田知非仲所改應云采邑亦有

七世成子弑簡

公分齊國孔子沐浴而朝請討之哀公不悟故孔子曰

以吾從大夫之後不敢不告也

孔子請討陳常時已致仕其意本以明君臣之

義于三家使知不為大夫討本為齊也公不知之反使之告三子宜三子之不可也然考左氏家語不可似在孔子不曾之三子自是二年孔子卒又十一年公孫于越前後學者不知聖人妄為之說故發之非敢異聖人也
又三世而田和移齊又六世而齊滅之有敬氏皮氏

車氏恪氏穰氏汲氏陸氏穉氏辱氏

廣信穉氏本陸氏改

薛氏法

氏王氏文氏荀氏光氏紇于氏尉遲氏司馬氏

王建子為王氏

望陳留東海金城北海第五倫窮賜販鹽曰王伯襄王法軍後為法氏田文封薛後有薛綜穰本田氏范希文

誌田氏云將有穰苴後魏賜大司空田宏其複氏則有固紇于氏許昌公陳忻尉遲氏隨並復

少西子穆

世本僖子子穆安後

子占子沮

世本烈子後

子與子獻

世本桓

公孫子鞅子梧子坊子芒

世本僖子子芒後一作芒

子寤子尚

世本僖子

生康子尚丘子石

世本桓子生子石後

子夏子宋子禽犢子子仲

陳宣公子

子仲詩子仲之子者惟書無子夏即宣庶子子西子禽者僖子後

顓孫亡字五王安平

廣武即墨於陵之氏

無字二子常書書字子占伐莒功景公賜姓孫采于樂安登其後

霸先亡梁以為陳者五世而隨滅之

凡三十三年霸先寔之十七世姓纂

出武南東海者胡公後出武當者太邱長後出長城者晉中郎將達十世為陳武帝齊宣王封母

之弟子母鄉為胡母氏胡非氏威氏慈母氏慈氏漢初

徙諸田關中而遂有第三至第八氏沙鹿留占亶生元

后是有孝成四世稱制

僖公十四年沙鹿崩占曰陰為陽雄土火相承六百四十五祀

有聖女興其齊田乎至漢王翁孺徙元城沙鹿也舜土漢火日月復當之及生政君入東宮生成帝四世稱制及崩揚雄諫之及沙鹿事漢求帝後得姁昌為始睦侯以奉其祀焉

莽封之又封田封為世睦侯奉敬仲後後魏孝文詔訪舜後獲萊郡民嬌苟之復其家

始禹分帝

之少子于西戎秦厲公世有無弋爰劒曾孫舞生子十

七為十七種忍九子研號研種十三世燒當代雄洮罕

之間

居河北
大化谷

四世孫瑱良益貧良卑滿侵甚為所敗虞

滇岸滇虞

即吾
嗔

生東吳迷吾後益困依發羌吾曾孫麻

奴牧怨羌復振演零大捷漢遷那內附中元間寇西郡

馬武有弋仲襄長是為後秦云

事詳
餘論

有無弋氏研氏滇

氏東氏迷氏鈹氏

贊曰

若昔善化臧用于民民由不知孰識其仁北面朝堯君
臣道盛齋栗見瞽父子以定二女嬪降夫婦以貞庠貢

源源兄弟以成形端表正萬邦作孚能事畢矣夫何為乎

予言其略經載其詳予言其詳經載其略虞策夏前不著于經予則詳之而略之于典謨故曰予言其略經載其詳四凶之去有堯去之者

四凶當時世家巨室為政用事者按

莊子音義堯六十年乃放驩兜六十四年流共工六十六年竄三苗按縣共工以誹禪竄逐今考此年載似不相合然大戴五帝德紀云四凶之去皆堯也淮南子荀子戰國策亦言堯伐驩兜荀子國策言禹伐共工周語亦云堯殛縣是縣之殛非舜明矣世言縣以治水無功殛死尤妄夫治水縱無成而仍作九年

亦勤於民事矣勤于民事者先王皆祀之豈有至于
殛死者使縣不能啓其功于前則禹亦未能速收功
于後故祭法云縣障洪水而殛死禹能修縣之功是
縣非無功也不能成爾果以無功殛則何以見乎夏
郊謂治水殛
吾弗信也
八元八凱之用有堯用之者而傳壹之

于舜

八元高辛之子伯奮仲堪叔獻季仲伯虎仲熊
叔豹季狸也當是二母黨故皆以伯仲叔季為

號書有朱虎熊羆說者以為二人子稽之四人也虎
為伯虎熊為仲熊江東語豹為朱語者相傳是未為
叔豹也則熊為季狸必矣故人物表作季熊蓋漢去
焚書未久猶有傳習故尚存一二但熊當作羆傳寫
誤也伯奮是棄契之倫而叔獻則叔戲也是堯多用
之者若八凱則高陽之子蒼舒殯歆擣戲大臨麗降
庭堅仲容叔達也殯歆乃伯益之字為堯伊衡服虔
以八凱為垂益之屬杜以為垂益皋陶之倫正義乃

謂垂臯陶皆顓頊之後妄也垂乃炎帝之後臯陶乃少昊之後也杜又以八元為契等八凱為禹等蓋以書言契數五教禹平水土而傳云舉八凱使主后土舉八元使布五教因謂禹契在其中蓋八元八凱非主一事云主后土布五教以事之大者言爾五帝德云堯命伯夷夔龍虞舜彭祖杜預謂史堯之言有過辭為稽庭堅班固杜預等以為臯陶字鄭注論語以為臯陶號曰庭堅非也文公五年夢與六滅臧文仲曰臯陶庭堅不祀是二人也書傳本有兩舉人名與字者是堯多用之矣

自有能庸命至乃命以位略是數十年事而書不過數語可謂略矣以天下予人異矣以為不可而諫者多矣豈直崇髡之與共工哉經亡見焉故曰予言其詳經載其略

黃帝曰合宮有虞氏曰總章夏后氏世室殷人重屋
周曰明堂

太戴禮云明堂凡九室一室有四戶八牖三十六戶
七十二牖以茅蓋屋上圓下方

茅取潔義

